





## सुजुगिरिनि खोलोम



### हाग्रामा दानस्रानाय आरो दंफां गायनाय हुदा

सुबुं समाजाव मोनसे हुदाखौ अरायसम नुनो मोनो, बेनो जाबाय हाग्रामा एवस्रानाय आरो दंफां दानस्रानाय। गामिनि सुबुंफोरनि बाश्राल' नडा टाउन सहरनि सुबुंफराबो सुबिदा लाना हाग्रामाआव हाबहैना दंफां दानना लाबोनाय आरो गुबुन्नो फानहरनाय हुदाखौ गोदो गोदायनिफ्रायनो नुबोगासिनो दड। दिनैसिमबो सुबुं समाजाव बेनि गोथौयै रोदा सुनाय हुदाखौ नागारो हायाखै। मानासनि सुबुंफोरनि बाश्राल' नडा, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार। जिउ जुनारबो हाग्रा बंग्रा, दंफां लाइफां नडाबा जैरै थाउरिनो हाया, मानसि माहारियाबो जिउ खानो हाया। मिथिगानि सोर्जिनानयि मादाव दंफां लाइफां, हाजो-हाला, दैमा दैसा, दैमु बाइदिसिना नडाबा जिउ जुनातफ्रा दसेनि थाखायबलाबो थाना थानो हाया। हाग्रा बंग्रा, दैसा दैमु गैयाबा बुहुमनि आबहावाआबो जिउ जिराद थाना थानो हायै बाइदि गुबुंले जागोन।

सुबुं समाजा दंफां लाइफांनि सायाव जैरै बाइदि सोनारो बेखौ साननो रौंन्ला हाग्रा बंग्रानि सायाव बे रोखोमनि अनगार अत्यासा जानाय नडमोन। हाग्रामाआव दंफां लाइफांनि अनगायैबो गोबां रोखोमनि जुनार, दाउसिन दाउला, एमफौ एनला, मैंग मैला, थायो। गसिबखौबो मानसि माहारिनि गोनां जिउ खानायाव नांगौ। सुबुं समाजा नांगौखौल' मिन्थिनो रौंन्बाय नाथाय, बेफोर गोनां मुवाफोरखौ रैखा खालामनो दासिमहालागै सोलोडाखिसै मानो? मोनसे सोनाय फेयो, दंफां लाइफांखौ दानस्रानो सोलोन्नो हागौबा, बेफोरखौ गायनो सोलोन्नो मानो रौंन्दिया? गोदो गोदाय आबै आबौमोननि बिबै बिबौफ्रा गायना गालानाय दंफां लाइफांफोरखौ हागौमानि जौं दानस्रानो जोबबाय जाय जैरै हागौ एरै। हाग्रामा गैयालाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय। कम्पिउटर, इन्टारनेट मुगानि सुबुंफ्रा सानखानो रोडाखिसै जौं थानो जैरै नंवां नांगौ, जुनारफोर थानोबो हाग्रामा नांगौ। जौंनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दै मोजाडै गियान होनांगोन आरो बेफोरखौ माब्रै गायनांगौ, फोथानांगौ, फेदेरनांगौ, राहोनांगौ, आरो माब्रै रैखाथि होनांगौ, गोथौयै फोरौंनगोन, मिन्थिनोनांगोन, दंफां लाइफां, हाग्रामा थायाब्ला जौंबो थाना थानो हानाय नडा बे बुहुमाव।

## दिनैनि फान्जामुधि

**राशि बाइदियै मुंनि गिबि हांखो**  
**मेष** : अल वृष : ऊब (उ ए इ) मिथुन : क छ (ड घ)  
**कर्कट** : ड ह सिंह : म ट कन्या : प ठ (ण ष)  
**तुला** : तर बुश्चक : बन धनु : ध भ (ढ फ)  
**मकर** : ख ज कुम्भ : ग श (स) मीन : द च (ख ज झ)

- मेष**: माबाफोर आसा खालामनाय दड'बा जाफुंसारनो हागौ। गोजोन्नाय मोनगोन। मोजां सम।
- वृष**: बायदिसिना जेना-जैसिफोरखौ लानानै जिंगा सिनानो हागौ। गोजोन्नाय गैयाजौं सम बारहोनांगोन।
- मिथुन**: बेराम गोनां सुबुंझ सांग्रां जानानै थानांगोन। डक्तरनि बोसोन मानिनांगोन।
- कर्कट**: महर-मुसिआ गोमालानो हागौ। देहा थासारिखौ सांग्राडै लाखिनांगोन।
- सिंह**: सान्नाय थाखिआ फेलै थानो हागौ। गोसोखौ शान्ति मोन्नाय नडा।
- कन्या**: जेखियानो जाया नख'रआव गोथार खामानि मावनानै लानो हागोन। मोजां सम।
- तुला**: जेखि मावा फालांगिआव मुलम्फाखौ मोन्नो हागोन। बे रशिनि थाखाय गाहाम सान।
- बुश्चक**: जेखि मावा नख'रआव सुखुखौ मोन्नो हागोन। फारफोमबो मोजां।
- धनु**: जेखि जाया नख'रआव मानिबा जेना नुजानो हागौ। गावसालायनाय जानो हागौ। गोसोखौ हमथा।
- मकर**: माखोबा लानानै रागा जौंनाय सोमजिनो हागौ। गोसो हमथानानै सोलिनांगोन।
- कुम्भ**: सोरजौंबाफोर दावराव-दावसि जाबाय बायनो हागौ। गोसो हमथानानै सोलिनांगोन।
- मीन**: सुथुर थानायफोर जोबस्रानो हागौ। गोजौनै थानो हागोन। मोजां सम।

# राम मन्दिर प्राण प्रतिष्ठानि थाखाय 22 जानुवारीखालि बन्द' फोसावनाय जादौ

गोदान दिल्ली, 21 जानुवारी : राम मन्दिर प्राण प्रतिष्ठानि दोहौआ हादतनाडै सोलिदों। साफ्रोमबो सुबुंफोरा बे खाबुआव बाहागो लानो हास्थायदों। बेखौ नोजोर होना 22 जानुवारीखालि माखासे राइज्योआव सुट्टि होनो फोसावदों। बे बिथिडावनो आसामनि सिएम हिमन्त बिश्व शर्मायाबो 22 जानुवारीखालि गासैबो सरकारि स्कुल आरो कलेजफोराबो बन्द' थागोन होन्ना फोसावदों। आसामनि सिएम हिमन्त बिश्व शर्माया मिडियानि सिगाडव बुंदौदि, फेगौ सानआव गासै स्कुल आरो कलेजफोरा 1 साननि थाखाय बन्द' थागोन। लोमोसेनो गाव गासैबो प्राइभेट फसंथानफोरखौबो बन्द'



खालामनो आर'ज गाबो। खौरां एजेन्सि एएनआइनि बायदिब्ला, बियो फोरमायदौदि, प्राण प्रतिष्ठानि सानखालि आसामनि सुबुंफोर आरो एमएलएफोर राइज्योनि गुबुन गुबुन मन्दिरफोर आरो मसजिदफोराव साखोन-

## इउएनजिएनि आफादगिरिया 5 थि साननि थाखाय भारतआव दावबाय फैगोन

गोदान दिल्ली, 21 जानुवारी : इउएनजिएनि गाहाइ डेनिस फ्रान्सिसआ समबारनिफ्राय 5 सानसिम भारतआव दावबायगोन। बे समाव बिन सायाव रैखाथि परिसद (इउएनएससि) आव सोलायनायनि दाबिखौ आवगायहोनो थाखाय भारतनि फारसेनिफ्राय बाश्रा बुनो हागौ। गुबुन हादतयारि मावख'आ शनिबारखालि खौरां होदौदि, जुथाइ हादतनि गोजौ थाखोनि बिबानगिरि डेनिसआ गोदान दिल्लीयाव भारतीय खौरां गिरिफोरजौं बाश्रा सावरायगोन। बेनि अनगायै बियो मुम्बाइ आरो जयपुरआवबो थांगोन। डेनिस



फ्रान्सिसआ मुम्बाइआव 26/11 गोसोखांथियाव बिबार बाउगोन। मावख'आव बुंदौदि, इउएनजिएनि 78 थि सेसननि आफादगिरिनि दावबायनाया मुलुगनां जौगाखांनायजौं लोमोसे भारतनि हेफाजाबखौ

## इउपि-दिल्लीजौं लोमोसे माखासे राइज्योआव रोजानिफ्राय बांसिन खुवा खुनो हागौ



गोदान दिल्ली, 21 जानुवारी : बोथोर बिफाना फेगौ 5 सानसिमाव सा-भारतआव रोजानिफ्राय बांसिन खुवा खुगोननि इयुन हमदादों। 21-24 जानुवारीयाव पान्जाब, हरियाणा आरो चन्दिगडनि माखासे बाहागोफोराव रोजा खुवा खुगोननि सन्देह' दड। फारसेथिं 21 जानुवारीखालि फुंनि समाव उत्तर प्रदेश आरो बिहारनि माखासे जायगाफोराव रोजा खुवा खुनायखौ नुनो मोन्दों आरो फेगौ 3 सानसिमाव आलादा आलादा बाहागोफोराव बेबायदि थासारिखौ नुनो मोनगोननि सन्देह' दड। हाजो ओन्सोलनि बाश्राखौ बुडोब्ला, उत्तरा खान्डनि माखासे बाहागोफोराव गोबां गुसु जानायखौ नुनो मोन्दों। बेनि गेजेराव हादतनि माखासे जायगाफोराव खुवा खुनायनि जाहोनाव उरां जाहाजफोरा गोबावजौं खारनो गोनां जादों आरो माखासे उरां जाहाजखौ दोन्थ'दों। बोथोर बिफाना रबिबार आरो समबारनि थाखाय येल' एलार्ट फोसावदों। पान्जाब, सान्जा उत्तर प्रदेश, सोनाब राजस्तान आरो साहा मध्य प्रदेशनि आलादा आलादा जायगाफोराव खुवा खुनायनि थासारिखौ थिसन्दों। पान्जाब, हरियाणानि बांसिन बाहागोफोर आरो सान्जा राजस्तान आरो उत्तराखान्डनि माखासे जायगाफोराव रोजानिफ्राय बांसिन खुवाया गग्लोबदों। फेगौ 4 सानसिमाव पान्जाब, हरियाणा आरो चन्दिगडनि माखासे जायगाफोराव हर गेजेर आरो फुंनि समाव रोजानिफ्राय बांसिन खुवा खुनायनि इयुन हमदादों। फेगौ 3 सानसिमाव उत्तर प्रदेशनि माखासे जायगा आरो 23 जानुवारीसिमाव उत्तराखान्डनि आलादा आलादा जायगायाव बेबायदिनो खुवा खुनाया सोलिबाय थागोननि सन्देह' दड।

बांहोनायनिबो खाबु जागोन। गुबुन हादतयारि मावख'नि फारसेनिफ्राय फोसावनाय मोनसे बिबुंथियाव बुंदौदि, गोजौ थाखोनि बिबानगिरिनि दावबायनाया भारत आरो जुथाइ हादतनि सोमोन्दोखौ जर'खासिन खालामनाय एबा इउएनजिजौं लोमोसे गोखौंसिन खालामनायनि मोनसे मख'जाथाव खाबु जागोन। इउएनजिआ जुथाइ हादतयारि मन्थि एस जयशंकरजौं लोमोसे गोनांथार माल्टिलेटोरलिज्म आयदायाव गुवारै सावरायनायनिबो हाबाफारि दड।

सिखोन खालामनायनि अभियान सालायगोन। सिएम शर्माया बुंभावदों, बेयो भारतीयफोरनि जौगाखांनाय गाव आसामनि सुबुंफोरनि फारसेनिफ्राय गाहाइ मन्थि नरेन्द्र मदिनो साबायखर जासियो। फेगौ साननि मोनाबिलिनि 4 रिगासिमाव ना बेदरनि गलाफोर

आरो बाजारआ बन्द' थागोन। लोमोसेनो गासैबो जौनि गलाफोराबो बन्द' थागोन। हटेलफोरावबो सानजौफुनि 2 रिगानि सिगां नन भेज जाग्रा आदासखौ रान्नो मोन्नाय नडा। मोनाबिलिनि 4 रिगासिम बिसोरो गाव गावनि खामानिफोरखौ जागायफिनो हागोन। बयनिखुइ

## म्यानमार सिमनायाव बांलादेशजौं नांजाबनाय सिमना बायदियै रैखाथि होगोन: अमित शाह

गुवाहाटी, 21 जानुवारी : नख'र मन्थि अमित शाहआ शनिबारखालि बुंदौदि, सरकार म्यानमार सिमनायाव सुबुंफोरनि उदाडै थांलाय-फैलाय खालामनायखौ बन्द' खालामगोन आरो बांलादेशजौं नांजाबनाय सिमना बायदिब्ला बेनि रैखाथि होगोन। आसाम पुलिसनि गोदान थिसनजानाय कामान्ड' बेटेलियाननि सिगां बेचनि पासिं आउटपरेडखौ सोमोन्दो लाखिनानै बियो बुंदौदि, मिरु सरकार म्यानमार सिमनायाव सुबुंफोरनि उदाडै थांलाय-फैलाय खालामनायनि सायाव गोदानै सावरायगासिनो दड। नख'र मन्थिया बुंभावदों, भारत-म्यानमार सिमनानि रैखाथिखौ बांलादेशजौं नांजाबनाय सिमना बायदिनो होनाय जागोन। भारत सरकार म्यानमार सिमनायाव उदाडै थांलाय-फैलाय खालामनायखौ बन्द' खालामदों। फोरमायनाय बायदिब्ला म्यानमारआव



दावराव-दावसि जानायाव बावैसो सानफोराव भारतीय ओन्सोलाव उदाडै थांलाय-फैलाय जानाया बांदों। शाहया बुंभावदों, गाहाइ मन्थि नरेन्द्र मदिनि दैदेन्नायाव थांलाय 10 बोसोराव हादतनि आइनारि थासारियाव गोबां सोलायनाय फेदों। बेयो कंग्रेसनि सायाव सोंखारिनानै दाय जाबसिन्दौदि, बिसोरनि खुंथाइ खुंनाय समाव सुबुंफोर साखिनि थाखाय रं होनांगो जायोमोन, जेव बिजेपिनि खुंनायनि समाव साखिनि थाखाय थायसेबो रं होनाडा। आयध्याआव 22 जानुवारीखालि

## आयध्याआव 22 जानुवारीखालि 7 रोजा राम सिबियारिफोरनि मेला जागोन

गोदान दिल्ली, 21 जानुवारी : 22 जानुवारीखालिनि राम मन्दिरनि प्राण प्रतिष्ठा हाबाफारियाव आयध्याखौ हिन्जाव गोदान बायदि साजायनाय जादों। बे जर'खा हाबाफारिनि थाखाय हादतगिरि, लेडाइ हादतगिरि आरो गाहाइ मन्थि नरेन्द्र मदिजौं लोमोसे हादतनाडैनि गोबां मुंदांखा सुबुंफोरनो इनभाइटेसन हरनाय जादों। समबारखालि जानो गोनां जर'खा हाबाफारियाव र। ज ख। नि थ दैदेनगिरिफोरनिफ्राय लानानै फावगिरिफोर आरो माखासे मुंदांखा सुबुंफोरा बाहागो लागोननि आसा दड। भिएडिचपिनि बायदिब्ला रामलला प्राण प्रतिष्ठा हाबाफारिनि थाखाय 7 रोजा सुबुंफोरा बाहागो लाफेनो हागौ, जेराव गुबुन हादतनिफ्राय 100 दैदेनगिरिफोरा बाहागो



लानायनि आसा दड। खौरां सिबियारिफोरनि थाखाय राम लाख राम सिबियारिफोरा होनाय बायदिब्ला, 23 मन्दिरनि दर्जाया गेवगोन। आसा रामललानि दर्शन खालामनो जानुवारीनिफ्राय साफ्रोमबो राम खालामनाय बायदिब्ला लाख आयध्याआव सौहैगोन।

### PUBLIC NOTICE

No. SSA/IE/RT & Vol/254/2014/10017

In pursuance of the advertisement published vide No. SSA/IE/RT & Vol/254/2014/5522 Dated : 10.06.2023, it is for general information of all concerned that the date of interview for the post (i) Additional Resource Person (ARP), (ii) Assistant Additional Resource Person (AARP) under Samagra Shiksha Axom will be held on 22.01.2024 from 2.30 pm onwards at the State Mission Office, Samagra Shiksha Axom, Kahilipara, Guwahati-19 instead of 9.30 am.

Sd/-Mission Director,  
Samagra Shiksha Axom  
Kahilipara, Guwahati-19

Janasanyog /DF/2490/ 23/22-Jan-24



# गाहाइ मन्थि मदिआ उखैहाबनाय समाव नालेंखरनि दैखौल' लोंगासिनो दं

गोदान दिल्ली, 21 जानुवारी: आयध्यायाव लुनाय गेदेर राम मन्दिराव रामललाखौ गोथार खालामनायनि सिगां गाहाइ मन्थि मदिआ 11 साननि धोराम फालिथाय खालामो। बे हाबाफारियाव गाहाय मन्थि मदिआ आलासि महरै बाहागो लागोन। जायनि थाखाय यमनि नेमफोरखौ मानिनांगोन। बे नेम खान्थिनि सिखव, पिएम मदिआ उखैहाबना थारों आरो बिथाड सानसेआव खेबनैल' नालेंखर दै लोडे। नालेंखरनि दैया सावस्त्रिनि थाखाय जोबोद मुलाम्फा गोनां। बेयो डिहाइड्रेशननि जाहोन जाया आरो देहायाव गोनांथार खनिजफोर मोनो। उपवासनि समाव नालेंखरनि दै लोंगायनि मा मुलाम्फा जायो आरो नालेंखरनि दैआ सावस्त्रिनि थाखाय मानो एसेबां मुलाम्फा गोनां। नालेंखरनि दैया सावस्त्रिनि थाखाय जोबोद मुलाम्फा गोनां। जुनियायै गोजां बोथाराव, जेब्ला जों एसेल' दै लोडे अब्ला नालेंखरनि दै



लोंगायनि देहाखौ हाइडेडेड खालामनो हायो। नालेंखरनि दैखौ सानफ्रोमबो लोंगायजों होबथानो हानाय गोहोखौ गोख्रों खालामो। बेयो लिभारखौ मोजाडै लाखियो। नालेंखरनि दैयाव एन्टीअक्सिडेन्ट मोन्नाय जायो, जाय उपवासनि समाव देहाखौ साफा खालामनो खामानि मावो। नालेंखरनि दैया देहायाव थानाय टक्सिनफोरखौ ओंखार होयो। नालेंखरनि दै लोंगाय देहाखौ सिनिफ्राय साफा खालामो। बेखौ बयनिखुइबो गोथारसिन होननाबो मानिनाय जायो। नालेंखरनि दै लोंगायनि

मुलाम्फाफोरखौ गाहायाव होनाय जाबाय-  
1.ब्लाड प्रेसार कन्ट्रल- जुदि नोंथाड सानसेआव 1-2 खेब नालेंखरनि दै लोडे, अब्ला ब्लाड प्रेसारखौ सामलायनो हायो। नालेंखरनि दैयाव पटेसियाम मोन्नाय जायो, जाय गोजो थै नारसिनथाय बेरामिफोरनि थाखाय मुलाम्फा गोनां।  
2.बिखाखौ गाहामै लाखिनाय- नालेंखरनि दै लोडेब्ला देहायाव थानाय गाजि कलेस्ट्रलखौ बाडइ खालामो। बेयो ट्राइ-ग्लिसराइडनि थाखोखौ बाडइ

खालामो। नालेंखरनि दैया थै गथा जानायखौ बाडइ खालामो, जाय हार्ट एटेक आरो स्ट्र'कनि खैफोदखौ बाडइ खालामो।  
3.मोदोम बुनायखौ बाडइ खालामनाय- सानफ्रोमबो नालेंखरनि दै लोंगाय लिश्रथइखौ बाडइ खालामो। बेयाव बिदैनखुइ एसेल' गोदे थायो आरो कार्बहाइड्रेटआवबो जोबोद बाडइ। नालेंखरनि दैया मेटाबलिज्मखौ बांहोयो आरो उदैखौ मोजाडै लाखियो। नालेंखरनि दैया लिश्रथइ सामलायनायनि थाखाय मोजां।  
4.होबथानो हानाय गोहोखौ

# जेपि नडडया साफ्रोमबो भारतयारिखौ आयध्याआव फैनो आर'ज गाबदों

गोदान दिल्ली, 21 जानुवारी : बिजेपिनि आफादगिरि जेपि नडडया 22 जानुवारीखालि आयध्याआव जानो गोनां राम मन्दिरनि प्राण प्रतिष्ठा हाबाफारिखौ मोनसे जारिमिनारि फोर्बों होना फोरमायदों। बियो भारतीय नोगोरारिफोरखौ बे हाबाफारियाव बाहागो लानो थाखाय आर'ज गाबदों। बियो बुंदोंदि, जों 22 जानुवारीखालिनि बयनिखुइ गोलावसिम सम नेनांयानि साखि जासिगोन। जोंनि भगवान रामआ गोलाव बोसोर नाजानायनि उनाव न'आव फैफिनसिगोन। नंगुबैनि देहासार जादों। हादतनाडै नि मन्दिरफोरखौ साजायनाय जादों, जेराव मोनसे फोर्बोंनि थासारि सोमजिदों। बे जारिमिनारि फोर्बोंया जोंनि हारिमु आरो



गोसोआव मोनसे माइल खुन्थिया जादों। बेयो भारतीय नोगोरारिफोरजों भासुवेलि सोमोन्दो लाखिदोंमोन। नडडया बुंवावदों, गाव साफ्रोमबोनिथाव आर'ज गाबोदि, सुबुंफोरा मुलुगनि जेरावखि थाया मानो बे जर'खा फोर्बोंनि बाहागो जानांगो। बियो बुंवावदों, बेवहाय भारतीय नोगोरारिफोरा बेसेन गैयै बिहोमा होदों आरो बेयो मुलुगनाडै जोंनि गुण गोनां फिथाइ। बे समाव बियो मदि सरकारनि थुलुं गाखां नायावबो मदत होदों। बियो 2024 नि लकसभा बिसायख 'थिखौ मख'नायै बुंदोंदि, बिजेपिया एनआरआइ पार नम एगेन अभियानखौ जागायदों। गाव साफ्रोमबोनिथाव उदांसिनि बे बयनिखुइ देरसिन फोर्बोंनि बाहागो जानो आरो बिहोमा होनो आर'ज गाबो।

# रामानन्द सागरनि 'रामायण' आव हनुमानआ 8-9 घन्टासिम उखैनांदोंमोन

गोदान दिल्ली, 21 जानुवारी: आयध्यायाव राम मन्दिर बेखेवगोना जेसेबांनो खाथियाव फेदों एसेबांनो रामानन्द सागरनि 'रामायण'नि सावरायनाया फिन खेबसेबाव जागायजेनदों। रामानन्द सागरनि रामायणजों सोमोन्दो थानाय गोबां सल'फोरा ओंखारबोगासिनो दं। बेनि गेजेराव रामानन्द सागरनि फिसाज्ला प्रेम सागरआ दारा सिंहनि सोमोन्दै रायज्जलायदों, जाय हनुमाननि फाव खालामदों। प्रेम सागरआ गावनि बावैसोनि मोगा-मोगियाव बुंदोंमोनदि, गोबां मेकआपनि जाहोनाव दारा सिंहआ 9-9 घन्टासिम सेटआव जेबो जानो हायाखैमोन। प्रेम सागर रामायणआ बावैसो समाव मोनसे मोगा-मोगि होदोंमोन। जेराव प्रेम सागरआ दारा सिंह (दारा सिंह हनुमान) खौ बाख्थानायनै आरो बुंदोंमोन- 'बिथानि मेकअप खालामनो 3-4 घन्टा लायोमोन। बै समाव जेबो प्रस्थेटिक्स गैयामोन आरो जों बिथानि नुथायखौ ह नु म न जी जे ' गोरबेहोनांगोमोन। बेनि उनाव बिसोरनि लानजायफोर। जुदि बिसोर लानजाय गानोमोनब्ला बिसोर बबेहाय जिरायगोमोन ? बेबादि थासारियाव बिथानि



थाखाय मोनसे जुनिया स्टुल बानायनाय जादोंमोन, जेराव मोनसे दानाय दंमोन, जाहाथे बियो बेयाव जिरायनो हायो। जेब्ला बियो मोखाडव मल्ल मोनगोन अब्ला बियो माबोरै जाहैगोन ? जुदि मेकापखौ सेबखानायनि सिगां 3-4 घन्टानि थाखाय खालामनाय जायो अब्ला हौवाया 8-9 घन्टासोसिम जेबो जानो हाया। बेयो बिथानि बावसोमनायमोन। प्रेम सागरआ

गावनि बिफानि सोमोन्दै बुंदोंदि, पापाजीआ सासे फागला बायदि खामानि मावोमोन। जुदि बिथाड हर गेजेराव नुथायखौ गोसोआव लाबोयोमोन, अब्ला बिथाड सावरायनायखौ सोलायबाय थायोमोन। बियो आंखौ फुडव बयखौबो फोजानो बुडोमोन आरो बेनि उनाव जों फुनि 4 रिंगायाव के मेराखौ अन खालामोमोन। बेयो मोनसे 24x7 बिखान्थिमोन। प्रेम

सागरआ सिनो खोन्थादोंमोनदि बयनिखुइबो देरसिन जेंनाया वनार सेनाजोंमोन। मानोना जुदि नोंथाड मोखा सान्थि हान्जायाव 500 सुबुंफोर लुबैयो, अब्ला सान्ना लादि, बिसोरनि मेकअपखौ खालामनो बेसे गोबाव लागोन। प्रेम सागरआ बुंदोंमोनदि, बिथाड गोरान नार'खल बाहायनाय वनार सेनानि फावखुं'गुरफोरनि मेकअप खालामदोंमोन।

# गाहाइ मन्थि नरेन्द्र मदिआ धनुषकडीयाव अरिचल मुनाइ पइन्टआव दावबायदों

गोदान दिल्ली, 21 जानुवारी : गाहाइ मन्थि नरेन्द्र मदिआ 21 जानुवारीखालि धनुषकडीआव अरिचल मुनाइ पइन्टआव दावबायदों। मानिना लानाय बायदिब्ला, बे जायगानिफ्रायनो भगवान रामआ गावनि सान्थिफोरजों लोगोसे राम सेतुखौ बानायदोंमोन। बेनि उनाव गाहाइ मन्थि मदिआ श्री कठंडारामा स्वामी मन्दिरआव सौहैयो आरो पुजा खालामो। समवारखालि आयध्याआव



रामललानि प्राण प्रतिष्ठा हाबाफारिखौ खुंनाय जागोन। फारसेथिं गाहाइ मन्थि नरेन्द्र मदिआ रबिबारखालि तामिलनाडुनि रामेश्वरमआव अरुलमिगु रामनाथ स्वामी मन्दिराव गावनि दावबायनायनि नुथाइफोरखौबो शोयार खालामदों। बियो एक्सआव मोनसे भिडिअ शोयार खालामनानै बुंदोंदि, गाव शनिबारखालि मन्दिरआव दावबायनायखौ माब्लाबाबो फंबाय विभिषणआ गिबि खेब भगवान रामजों लोगो हमलायदोंमोन आरो बिनियाव आश्रय बिदोंमोन। माखासे सुबुंफोरा बेखौबो बुडोदि, बेनो बै जायगा जे राव भगवान रामआ विभिषणखौ करन'शन खालामदोंमोन। फोरमायनाय बायदिब्ला, रामललानि प्राण प्रतिष्ठा पुजायाव गाहाइ मन्थि मदिआ गाहाइ जागायग्रा जागोन।

# इजराइलआ सिरियायाव मिसाइलजों गाग्लोबदों, सा 4 इराननि रैखाथि मावथिफोरनि जिउ ख 'हा



जेरुसालेम, 21 जानुवारी: इजराइल-हामासनि दावहाया ब्रैथि दानआव आगान होबाय। बे समावनो इजराइलनि रौनियाफोरा सिरियायाव गिख'थावना अखांजों गाग्लोबदों। बे मिसाइल गाग्लोबनायाव इराननि रिभलुसनारि गार्डनि साब्रै सोद्रोमाफोरा जिउ गोमादों। इरानआ बेखौ नुना सोमोनांदों। बे गाग्लोबनाया शनिबारखालि सिरियानि राजथावनि दमास्कसाव जादों। बेयाव गोबां

गुबुन सुबुंफोरा जोखोम जादों। इरानआ गाग्लोबनायनि थाखाय इजराइलखौ हुमखि होदों। रयतर्सनि बायदिब्ला, इजराइलआ गाग्लोबनाय गोबां-थाला बिल्डिंखौ हादरगिरि बाशर अल-असदनि सरकारखौ मदत होग्रा इराननि बोसोनगिरिफोरा बाहायदोंमोन। बेरेखा हान्जानि दावहा नायदिंग्रा सिरियानि अज्जर भेटरि फर हिउमेन राइटर्सआ दाबि खालामदोंदि, मिसाइल गाग्लोबनायाव बाडइसिनार साबा सुबुंफोर

थैदों। बे गाग्लोबनाया इरानजों मदत होजानाय हान्जाफोरनि मावख 'गिरिफोरनि मोनसे मेलाव जादोंमोन। रायजोआरि टिभि रिपर्टफोरनि बायदिब्ला, सोनाबारि दमास्कसनि माज्जेह ओन्सोलाव जेराव गाग्लोबनाय जादोंमोन बेफोर गासिबो नसुंसेनि लेवानन आरो इराननि राजथान्दै थाग्रा खुलिफोरजों लोगोसे गुबुन गुबुन राजगारावारि मिशनफोरनि न'। गेजेर सान्जायाव इरानजों मदत होजानाय हान्जाजों सोमोन्दो

थानाय सासे मावख 'गिरिया एससिएट ड प्रेसजों रायज्जलायनायखौ रोखा खालामदोंदि, बिल्डिंखौ रिभलुसनारि गार्डनि मावख 'गिरिफोरा बाहायदों। बै समाव मोनसे सावराय मेल सोलिगासिनो दंमोन। मावख 'गिरिया बुंदोंदि, इजराइली मिसाइलआ दाथायखौ आबुडै फोजोबसांदोंमोन, जायनि जाउनाव सा 10 सुबुंफोरा जिउ गोमादों। बे गाग्लोबनाया थानाय दानाव बेबादिनो मोनसे जाथायनि उनाव जादोंमोन, जेब्ला दमास्कसनि लेडइ नोगोराव इजराइलनि अखां गाग्लोबनायाव सिरियायाव इरानी पेरामिलिटारी रिभलुसनारि गार्डनि गाहाय बोसोनगिरि इरानी जेनेरेल सैयद रियाजी मौसावीआ जिउ गोमादोंमोन। थानाय माखासे बोसोरफोराव, इजराइलआ सिरियायाव फिलिस्ताइन आरो लेबनाननि मावथिफोरखौ नोजोर होदोंमोन।

# कर्नाटकआव जै श्रीरामनि स्ल'गान होनाय हिन्दु सुबुंफोरनि सायाव गाग्लोबदों

कर्नाटक, 21 जानुवारी : कर्नाटकनि भिजयपुरयाव सासे मुस्लिम सुबुंआ बहुल ओन्सोलाव जय श्रि रामनि स्ल'गान होनायनि उनाव हिन्दु मावसुमाफोरनि सायाव गाग्लोबदों। बे जाथाया शुक्रबारखालि देवारा हिप्पारादि सहरआव गोथार मुवा बेसाद (आयध्यानिफ्राय लाबोनाय माइरनि गोथार जाग्रा आदार) खौ रान्नाय समाव जादों। बे जाथायनि सायाव देवारा हिप्पारादि थानायव केसबो थिसन्नाय जादों। बिजेपिनि दैदेनगिरि आरो हिन्दु मावसुमा बाबु राजेन्द्रया बुंदोंदि, भगवान रामनि सिबियारिफोर आरो आरएसएस मावसुमाफोरनि सायाव माखासे सुबुंफोरा गाग्लोबदों। बियो बुंवावदोंदि,



जोंनि मावसुमाफोरनि सायाव गाग्लोबनाया गोबां लाजिनांथाव जादों। बियो बुंवावदों, भारतआ मोनसे सहायनो हाग्रा हादत आरो जों राम मन्दिरखौ बेखेवनाय जर'खा खाबुआव हंथा

होग्राफोरनि हंथायै जुजिगोन। आं राम सिबियारिफोरनि सायाव गाग्लोबनाया सुबुंफोरनो सांग्रांथि होयोदि, बिसोरो गावसोरनि बै सुबुंफोरखौ सामलायनांगो, जाय जेंना सोमजिहोनो नाजायो। जुदि बेबायदि खालामब्ला बिसोरो

फिनजाथाइ होनायजों जुजिनांगोन। बे जाथायनि उनाव विहिप, बजरं हान्जा आरो गुबुन हिन्दु मावसुमाफोरा शनिबारखालि हान्जा सुदों।

फिनजाथाइ होनायजों जुजिनांगोन। बे जाथायनि उनाव विहिप, बजरं हान्जा आरो गुबुन हिन्दु मावसुमाफोरा शनिबारखालि हान्जा सुदों।



## बयनिखुइबो लावसिन सावथुनखौ नोंथाडा मिथिगौ नामा ? जायखौ नायनो 3 सान आरो 15 घन्टा सम लायो

सावथुनफोर। मुलुगआव जुनिया स्टेयास दं। गोबां सुबुंफोरा गावसोरनि गासै जिउखौरांखौ बे बुहुमाव बारहोयो। बैफोर सुबुंफोरनि सायाव बिथा खालामनानै सावथुना दिने गोजू स्टेयासयाव दं। बेखौबो बुंनाय जायोदि, सावथुना समाजनि मोनसे आइना। मानसिफोरा मोनसे मोजां सल'नि गेजेरजों मुलुगखौ मिथिनो आरो बुजिनो खाबु मोनो। मानसिफोराबो सावथुनफोरखौ जोबोद मोजां मोनो, बेनि थाखाय सल'आ गोखौ जानांगौ अब्लासो सुबुंफोरा जायखिजाया समावने सावथुनखौ नायनो हायो। सावथुना जेसेबांखि गोलाव जाया मानो। सावथुना



नोंथानो बे सावथुननि सोमोन्दै खोन्थानो थांगासिनो। सावथुननि मुझ 'दि किउर फर इनस'मनिया'। जुदि नोंथाडा बेखौ नायनो जुरिजेनगोन अब्ला सावथुना 3 सान 15 घन्टानि उनाव जोबगोन। बे मुंनिफ्राय

बे सावथुनखौ जन हेनरि टिमिजा दिथा होदोंमोन। सावथुननि खारनायनि समा 5220 मिनट। बे सावथुननि बयनिखुइबो गोनंथारसिन बाश्राया बेनोदि, बेयाव जेबो सल' गैया। बे सावथुनाव सासे महरगिरि दं,

गिबि खेब शिकागनि स्कुल अफ दा आर्ट इनस्टिट्यूटआव दिन्थिनाय जादोंमोन। सावथुननि गेजेराव गाजि आयदा एबा कन्टेनबो दं। बे सावथुना 31 जानुवारी 1987 मायथाइयाव फोसाव जादोंमोन, जाय 3 फेब्रुवारी 1987 मायथाइयाव जोबदोंमोन। सावथुना जिरायनाय गैयाजासे 3 सान आरो 15 घन्टासिम सोलिबाय थादोंमोन। ओरैबायदि बुंनाय जायोदि, बे सावथुनखौ बैसोर सुबुंफोरनि थाखाय बानायनाय जादों, जायफोरा उनदुनो रोडै जानानै दं, बेनिखायनो सावथुननि मुंखौ बे बेरामनि मुझाव दोन्नाय जादों। बे सावथुननि मुझ गिनीज बुक अफ वर्ल्ड रेकर्डआव रेबगान्थिनाय जादों। बे सावथुना मुलुगनि बयनिखुइबो गोलावसिन सावथुन जानायनि रेकर्ड थिसनजानानै दं। □



सरसनस्यै 3 घन्टा जायो। नाथाय नोंथाडा मिथियो ना बुहुमनि बयनिखुइबो गोलावसिन सावथुना 3 सान 15 घन्टा सम लायो ? दिने जों

रोखायै मिथिनो मोनगोनदि, बेयो मोनसे हलिउड सावथुन आरो बे सावथुना 87 घन्टा गोलाव। बे सावथुना 1987 मायथाइयाव फोसाव जादोंमोन।

जायखौ गावनि 4080 बिलाइनि खन्थाइफोरखौ फरायनाय नुनो मोनो। सावथुननि महरगिरिनि मुझ एलडी ग्रीबन। सावथुनखौ

## रंजालि गथ'फोरनि सौरा

### गोरोबनै खन्थाइ

दोहोरोमा सुबुंझरि  
बयनिबो गियान आगदारि

गोहोमाखौ मोननो हायो  
जाय हरदम इसोर फोथायो

फोथायथियाव जायनो थागोन  
इसोर थानाय गुमुर मोनगोन

गियान लैथो थायोबानो  
बायगरखौ नों गुमुर मोनो

जायनो दोहोरोम सिबिगोन  
जिउवाव गियान मोननो हागोन

सुखारु थानाय सुबुंझरि  
अबं गसाइ खुलुम बाझ

जेबोला जायो दुखुवाव  
अबोलासो खारव माराव

हे ! इसोर हे ! इसोर होनना  
बहा मोनगोन बहा मोना

नागिर बायो गोदाव सोराव  
नखरनि सिजौ गुदियाव

गोसोनि जिनिर होखारनो  
इसोरनि मुं नांगौ नोंनो

इसोरनि मुंजों हानथिनो  
जाय नाजायो गोजोन मोनो

फोथायनाय दं जायनाव इसोर  
खालाम हागोन गोसो गोथार

रैदोम बर',  
माजदिया, बगुलामारि,  
बाक्स

### गुमुर गैयै भ्रमण

एस आइ आर बसुमतारी

मासे फिसा इनजर इंगिनि गुदुं नागारनानै हाग्रा-बंग्रा हा सिडावनि हानजा दैदेननानै दाब-दाब गिदि-गिदि बेयाव दसे, बैयाव आयदासे एखनब्ला खिफिदेरनाय, एखनब्ला एरफुनाय बुहुमखौ बागदाव खांहोदों। राजखान्थिनि फंनैसो मन्थ्रजों साधु बैरागिनि गिरुया जि जोखलोबनानै गोदानै दाफिननाय जीउ राहाया दान्दिसे बुहुमाव फेरलेबसे रंजानाय लाबोदों। नाथाय सियाला गोथं महर लाब्लाबो बियो सियालानोखा; दावखाया दावराइनि गां थुदेरब्लाबो गुबै दावखायानो खा। बैरागीनि गाब गाब्लाबो आखुथाया इनजर इंगिनिनि; बनि देखोफोराबो गलिनो रोडै गोरा अन्थायनि बिदै। दा बै इनजर इंगिनिया भ्रमणनि थाखाय थांबाय स'नानि सिंहासनखौ नागारनानै गावखौ गुबै सन्यासी दिन्थिनो नाथाय बबे दिकनि भ्रमण रावबो गुमुर मोनाखै।

### रजे नों आंनि

रजे नोंखौ नुनानैनो आंनि गोसोआ बोदोर जाबाय, नोंखौ दसे नुवाब्लानो आंनि गोसोआ उसाव बादाव जाखाडे। खेबसे नुनायावनो आं नोंखौ गोसो गोरबोजों मोजां मोनबाय। आदा आं नोंखौ जेब्लाबो आंनि खाथियाव थाबाय थाजानो लुबैयो। नोंनि अनगा आंहा सिगाडव रावबो जिउनि असे लोगो गैयामोन, रजे आं नोंखौनो जेब्लाबो जिउनि मोदाय खालामनानै लानो हास्तायो।

थरायना पुजा बड'सा।  
ला:सो: - दैमालु नोगोर ( बिजनी ) जिला - चिरां।

### आं गाजि मोना

नों होखारहर आं गाजि मोना नों सैयाब्ला दासै आं फेरलेबसेबो दुखु मोना मोजां मोनलायनायाव मानि गाजि मोननाय फालाय आं सैथो बेखौ आं हमदां हाबाय नोंखौ अननाया आंनो बारासिनसो जाबाय, आं गाजि मोना मानोना आं देरहाबाय जिउआव नोंबादि सैथो मुनुस लोगो मोनबाय। नोंनि गोसोआव आं थानो हायैनि नों बेरा दुमना ला आं अब्लाबो गाजि मोना नोंनि गोसोनि लांगोनायाव ब्रे ब्रे सु बना ला आं अब्लाबो नोंखौ गाजि मोना गोसो साइ' जाया नाय नों, ..... गोसोनि दरखं खेंखोमाना नैबे फागोलिया नोंनि गोसोनि उषुं सेरावनो देरा लुदों नोंनि गहाम लुबैखोमाना अराय बाथौ गुदियाव आरज गाबनो मानोना नोंखौ बे फागोलिया थैस' थांस'दि अनो। हां थासान्दि नोंखौ अननायनि सिमां नुदों नोंनि महराव गसाइखौ मोन्दों, नोंनि सोलेराव बे फागोलिया गावनि खावसे सोलेर दादों नों एरा-एरा, गोजान थाब्लाबो अननाया बारासो जादों शिब बोराय आरो पारबैति नि गोथार अननाय बादि अनलानो बोर बिदों।

-अञ्जना देवी उपाध्याय  
कक्राझार

### किस-मिस

जानो रोंआब्ला  
माखन घिउआबो  
बिसो बिदै

रोंयोब्ला बिसोयाबो  
साहा गलानि  
किस-मिस।

-सबिराम बर'  
राबां, बागसा

### अनजिमानि लाइजाम

हरदोंमोन आं, अनजिमानो लाइजाम आंनि जिउनि होन्ना। सानो आं अनजिमाखौ आंनि जिउनि अनजालि हो न ना नै। आं नाथाय, अनजिमानो हरनाय लाइजामखौ, रावबो नुवा रावबो खोनानो मोना बे आंनि अनजिमानो हरनाय लाइजामखौ। आं सानो आंनि गोसोयाव बे दान्दिसे संसाराव अनजिमानि अनगायै रावखौबो लानो हानाय नडा। गोसो गोबोंजों मोजां मोननायखौ आं बोरै नागारनो हानो। जिउआ जोबलाडे आं अनजिमाखौ बावनो हाथारनाय नडा। बेनो आंनि अनजिमानि लाइजाम।

श्री अजय कुमार बसुमतारी  
ला:सो:- सिम्बरगाव  
जिल्ला-क'क्राझार बि टि सि आसाम।

### जोंनि आंगो गामि

फैलाव हायेन हाजोनि सेरफां ग्रोम ग्रोम थुरिनि नं। फैलाव फोथार अरननि सेर सोमखोर आबादथिलि। दुगोरा गाथोन जिरि दैसानि रुगु लाइमोन गोबोंनि बेंख'नथिलि। बेसे हायना सोमखोर मिथिंगा बेनो जोंनि आंगो गामि।

मुस्रि दैथुन गयारी  
गामि - गोदान बरगाव।  
ला:सो: बेतबारी  
जिला - बागसा।

### सिमांनि सैनाय

अं आंनि सिमांनि सैनाय, मैआसो बारहानाय। दिनेनो मेगन खेबजानाय, गाबोननो जुलि लाजानाय। नोंनि महरआनो बिदिन्थि, सानाखैमोन आं बिब्दि। सानदोंमोन आं नोंखौ, सिमांनिसो सैनाय, फोजा लांबाइसो नोंनि खानायबिलाय, मादि महर सारफावनाय स'ना नोंखौ, नोंनि बर' बिमाआलाय। मानोथो गोजावखो आंलाय, मानोथो गलि नांखो आंनि गोसोआलाय, नोंखौ नुनानैलाय, अं सिमांनि सैनायलाय, सिमांनि सैनायाबो जामारो मोगथानि राणी दंमारोसै बर' बिमानि जोलै हाजो हायेन बर'नि बिबारि बनि खायनो बर' हारिनि गेजेराव बिरबोयो बायदिसिना गाबनि सिखरि।

मुस्रि किंकं राजा नार्जारी।  
ला:सो: - स'नापुर।  
जिला - चिरां।

### गोदान जिउ

श्री बिरगोदाउ

नोंनि उन्नाय मोननानै आंनि जिउनि गोरान बिलाया लाफिनबाय दिने गोरान बिलाया गोथं गाब। नों नडा मोनब्ला आंनि जिउनि गोरान बिलाया बिरफालांगोमोन जाउलिया बारजों लोगोसे। बेसेन गोयै बायदियै आला दिडयै बुहुमनि दाब दाब जायगायाव ? आरो अब्लादि माबोरै बबेयाव गोमालांगोमोन आं गावनो सानसनो हायाखैमोन। नोंनि अननाय मोना मोनब्ला आंनि जिउनि गोदान बिलाया गोरानैनो थानोसैमोन नों फैयामोनब्ला बुहुमनि बबेबा दाबसे जायगायाव सिरियै गोमा लांसिगोमोन हाजासे साबायखर बावबाय रजे गोसो गोबों बुंसारजासे नोंखौ आंनि जिउनि गोदान लामाखौ साजायनानै होफिनयनि थाखाय।

### गोसो थोनाय

आय' हाबाव गोसो थोनाय। मा एसेबां गोदै मा एसेबां मुजिथाव मा जिराद बेलाइ ? बेनो नामा गोसो थोनाय ? बेनो नामा मायानि जेआ ? सोर अबंलावरिया जोनोम होया ? बे अननाय मोजां मोन्नाइ आरो गोसो थोनायखौ सानथार खैमोनदि आं - गोसो थोनाया बेबाइदि सानसे रजेखौ नुयाब्ला। सानसे रजेखौ लोगो हमनो मोनाब्ला सानसे रजेजों मोजां गाजि बाश्रा राइज्जालानो मोनाब्ला। गोबों - गोसोआ गोजोन गैथारा। आरोबाव गोजोन गैबावया रजेखौ नुनानै आरो रजेजों राइज्जालानै, लुबैलिया थानानै थानो रजे गैयाब्ला। नांबावगौ बेनिफ्राइ.....बाइदि बाइदि. गुबुनजों दाजाथों मोजां मोन्नाया आंनि रावनोबो दा बिलाइ हरथों आंनि रजेखौ, अबंलावरिनाव आर'ज गाबो आं। अबंलावरिनाव बोर बियो आं। मोजां मोन्नाइया आंनि फेलें थांडा जाहाते बे जोनोमाव नों रजेखौनो आं मोनथारथों नों र'जेखौनो मोनथारथों आय' हाबाव गोसो थोनाय।

श्री थमास बसुमतारी,  
गामि-कसुगाँव

### सिरि-सिरि

सिरि-सिरि मोथो-मोथो मोजां मोनबाय आंनों अनजालिखौ। नाथाय नों मानो अनजालिया मानो बुजिया ? लाइजाम हरनो सानो - नाथाय गोसोआं माबा साननानै थाफिननो अनजालि। पोरमायनो सानो-गोसोआ फोरमायनो हाया खुगाया गेवा बिखाया गेवो मानोदि आं नोंखौल' मोजां मोनो अरायबो। हास्थायबाय थायो आंनि गोसोआ नोंखौल' सना मोजां मोनोमोन आं बिबार बायदि खानानै लानो नाथाय मोना खाथियाव नों अनजालिखौ सिमांआव जाखं फैबाय थायो नों सिरि-सिरि मानोबा। नोंनो आंनौ खालामबाय जावलिथा मादि माया दड' नोंनि महराव।

मुस्रि अमर गोरा नार्जारी।  
जिला - सिरां।



गिदि गिदि सानसेमानि खबर लाबाय आं- दिनें मोनाबिलियाव ओंखाम मोनजानां गौआ गोब्राबसै। गेस चिलिन्डारआनो सौफेथ' आखेनो करकाझाराव। सानसेसो सिगां दैबायला बायनायफ्रानोबा मेरला थारमोनलाय। आंनो नांगो नालाय मुफा मुफा जानानै होयो। जेरावबो खबर लाबाय आं गैया। जि बादि बोथोर सावन दान, देरलाय ओरैनेब्लाबो अखा हानाया गुबुन गुबुन बोसोरनिफ्राय बांसिन बाइदि। एसे दलामैने अखा हागानानै नागर गोदान, फ्रि फ्रि थाइफ्रिनाय बाइदिल'सै मोन जानांगो। बिसिनायाव गोलांथ'नानै माबा माबि सानफुनाय थानाय समावना गोबाज्रि फेदोमोन, आंखो लावद्राम फं बाया। बिसिनानिफ्रायनो आंबो राव हरनानै सोहरदोमोन, खामसालिसिम सौफे गौ मानिआवनो।

सानद्रिफ्राव ना फिथिखि थेंगोना गोरानफोरा, थोखा थारलायबाय बेहासो, नाफामबाबो हासुंखि हासुं जाथारनोसैलाय। नॉनि थाखायनो जॉफोर बायदिआसो खि दौजा बायनोसैलाय हिनजावफोरजो। "हा नॉसोर लाय राइजाखागोन खिबो दौजाखागोन, दै लोमनाय सिलायाव थफिनाय नास्राय निस्ला नुब्लाबो मैथा खानो थिन्नो रोड नालाय।" "बेनोलै आदा माथो खालाम बावनो गामियाव थायोमोनब्लासोलै। टाउ नाव फैनानै जेबो जालियालै आदा। मालदां बाजारवा थॉब्रबबानो मोनो नालाय। जानायालाय जायबो बोथिफ्रामबो ना बेदर नडब्लानो गथफोराबो बिदोनसै। आंथ' आंखासै माब्लाबाबो गारामाखौनो थगायनो हाखाथारला। मोनाब्लिफोराव सोरखौबा लोगो मोनफलांबाथ' आर दाबुसै- लोसै लोानै नॉनि बेवयाइनोबो लाबो बावयोलै आं आदा, सानैजो गथफोर जाखां जोबब्लाथाय ओंखाम गोजाब्ला फिनो लाबोनाय दावफोरखौनो सिथार ब्रबबायनानै जायोलै जॉ आदा, थेवब्लाबो नोबादि सोलाबथारलालै लुग्रां-बाग्रां दैफोराव ना थारखौदेन खाथि बायनानै जानो।"

खोथा बाथ्राफोरा मोजांथार बिना, नंखायनो वयबो मोजां मोनानै बिखो जॉनि गामि गोदान मंगलाय नोगोरनि पब्लिचिटी अफिसार, गायसन्नाय जादें। गामिनि जायखि जाया मिटिं दावर्थिं दडब्ला बेनो खबरखौ होजोबनांगो जायो।

लावद्रामखौबो एफा एनै बोथ्रोत बोथात खामानि मावहोनायबो जादोमोन। जिखि जाया थुरि गांसोफोर गमगिबवाय थानाय बाइदि बै समफ्राव राइजो राजाफ्रा मोनफ्रोमबो दोलोखौनो जायगा आरो बरायनांगो जानानै फैथार नांदोमोन। बिसायख'थिनि दावहा फोथाराव जि बाइदि गोरा गोरा हानजा। मोनैबो राफुथारनाय थोनसेआ जाबाय लैथोआव थनलनानै मोनदां बोखां बोजोबनाय, फासैथिं मोनसेआ जाबाय, हनुमान गैयाब्लाबो लंकाआव बारलानो हानाय हानजा। गोदै गोखा गोबाब बेसेबा हजिखावनाय खोनासंनो होखावनाय खोनासंनो, एखनब्ला खोमाफ्राव तुला मुथैयाब्लानो उफाय गैया जालाय लाडो। बेबादिनो मोनैनिबो हानजाया बिनो बाजो रां बाजो रां होलांदोनों, आरो बुंलांदोबोनो, नॉनि बाइदि साफ्रोमबो बर'फोरनि नखरा जानाय मोनब्ला जॉ भट बिनो गुबुन हा रिफोरखो एसेबांमांनि खुलुयथाव नांनय नडा मोनलै होन्नानै लावद्राम फं बायखौ। नंनायालाय नंगोबो मेमु मेमा गासै साजि गथ गथायफोरजों गोगोमथार, जोंहा लावद्राम फं बायनि संसार।

आथिखाल बर' नखरनि सोद्रोमाफोरखौ नायोब्ला लावद्राम फं बायनि नखरा हासिंडेनो नखरथामसो जानो नागिरलाय लाडो। बेनिखायनो आंबो सम सम जंखायनानै बुंनाय जायोमोन, लावद्राम फं बायखौ, नॉनो बान्था होनांसिगोलै बरफोरनि गेजेराव होन्नानै। अब्ला खे-खे मिनिनानैल' थायोमोन बियो। सरल आरो सादा सिदाद्राय लावद्रामनि गोसोआ जायनि थाफावनाखि गामिनि सोरबा सोरबा मोनहा फिसा फिसो लोनाय जानाय खामानिफोर जायोब्ला बेखौल' नांगो जायो। बेदर गोदानायनिफ्राय जुरि जेन्नानै आमोखा आमोखि जोबब्लानो रोगानाय, बेसेबादि थालाय फैलाय लावद्रामआ। इसे जिरायहां जाब्लानो लावद्राम इसे लोंहां जाब्लानो लावद्राम बयनिबो खुगोयाव खालि लावद्राम लावद्राम बे समव बेनिखुइ बांसिन मुलि रावबो जानोनो हायाद। जायनि थाफाव सिबाय लावद्रामा जायनि लुखानाय बाहगोखौ खेबफाव गोबायैनो गोदाव नांगो जायो। बिदियावब्ला गावबो थिक् थारनालाय। जायनि सिलायाव नाखि दाबसा गांसोफोरानो बिबार बारनानै फिथाय मोनगुलाय लाडो। बे

लावद्राम बाबुआनो बैफोर बादिआवब्ला बयनिबो गोनांथार जायोमोन। दासो इसे बोराय हांबाय नालाय देहाआबो बहाथो थाबाय थानो, सानफ्रोमबो जाय जिनिस्खौ नाखि लुसन हरबाय थायोब्ला, गन्थ खुगा मोखांथिं दावखो बोबाय थारो, बेबादिनो लावद्रामनि मोखाडाबो बल-ब्लादार देरबोनाय बाइदि बुनाय जाबाय। खिफि बेन्दोफोर बाइदि रिदिमेड बेरा बैसां नागिरग्रा गाव गावनि साइकेल टायराव फाम सोनो बाग्रा जोहोलावफ्रा दा हले बेरफु जानो गिनानै लावद्रामनि फासै बांदाय नायसन्नो सम गैया गैया जालांबायसै। सिबाय लावद्राम मानो बिदि जाखो रावबो मिथिला खालि बुंजा बायसैल'। जि बादि आद्रा-खिद्रा गोरोंफोरनि फालांयाव गोलैबोनांनानै लावद्राम बाबु नोरजिया। दासो इसे हासिं हासिं जानांबाय जानांगो। जौस्रां देदस्रां बर'नि मावफोरनि गोजांथार होनब्ला लावद्रामआबो सासेमोन। फिसाजोफ्राबो गाव बाइदि गोजो गोजो गन्थ मोखां स्र-स्र मेगनाव गोनां जोबथारलाय। गासै साजि फिसाफोरनि मादाव साद' हियजावफोर। देरस्ताबनोनो मोना सिलाफोर बादि साबनानै लानाया माब्ला माब्लादि गासै बर सेलेफा जुंगाल नेपालि साब्रै बिजामादै मोनखो लावद्रामा मिथिस्लाबासै। सानै दंबावफो, दुइसिनफोरनि साबसिनथार होन्नाय बाइदिनो आदां आरो फादां। मुंदांखा थारसै जायगाआव बुंनो थाडोब्ला लावद्रामनि खाफालआ सिगांनिफ्राय एसे साबसिनसो जानाय बादि जाबाय। मन्थो एम एल ए फोरनि दरखं मोखाडाव गारि मटरफोर जमा जानाय बाइदि, जोंहा लावद्राम फं बायनि नआवबो दानिया सानफ्रोमबो बेसेदि मारुटि, बलेर' हिर' हन्दा, पालसा नायनो। गुल गुल सानसुनि मोनाबिलिनि गोजा गुफु रजो हारा बेगे

सान्नायफोरखौलाय बेसे नायहरनोसो जायो। बेबादिनो गोबां सम लावद्रामनि मोखांखौ नाइनानै आं सिगाडाव नुजेन्नाय मोखांखौ गोसो खानानै, सॉब्लासो, फिनासै बियो, "आफादगिरिआ बयखौबो सिरि रिथिये प्रोद प्रोद ओंखार लांखोमानो थिनदोलै आदा।" "हा मानो" आनाबो हास्लाव लायखाया सॉफिन नाया, अब्ला लावद्रामआ गोथां थारमोन, मोनलेंथथाखौमोन दां। गुरियेनो फिनासै बियो माबालै आदा। बाजै एम एल ए निथिं थानाय लामाखौ जावफल' हरखोमा नांगोनो दिनें दा हरावहाय। बेखायनो बयखौबो दिल महम्मदनि नआव ज' जाहेनो थिन्दो आफादगिरिआ। जॉनि गामिनि गोरा गाहाय एबा गावबुराखौ आफादगिरि बुंनाय जायो। जाब जुब बुखा गामिनि मानसिफोर बाइदि लाय मनो गावबुरा बुंजा बावनोबा जोंलाय, बेफोरखौ नांबाय थालालै होन्नानै जॉनि गगलाय नोगोराव आफादगिरिसो बुंनाय जायो। फार सेथिं जाय आफादगिरिजोंनो नाथुर बोस लायनानै जाग्रा डिस्टटिक ररेल डे भ'लपमेन्ट एजेन्सिनि एकाउण्टेन्ट दिल महम्मदआ जॉनि गामिनि बयनिबो फे भारिठ थारलाय। खोथा बाथ्राफ्राव रावबो फेजेन्नो हाया। बांला असमोया हिन्दी सावताल, खासिया, गार', नेपालि आरो भुटिया रावखौबो इसे इसे रोंगोबो। मेट्रिक पास जानानै सिलडाव फरायफुनाय समावनो खासिया हिनजाव लानानै फेदोमोन। बेबादिनो बुंनानै फोजोबनो हानाय नडादां, बिनि माखासं आखुफोरखौ बुडाब्लाबो जासिगोन। टाका फैसानि बांदाय आंखाल खिन्थानायखौनो खोनाफेरा, अहल-बहल बाहायनायखौसो नुनो मोनो।

सोलोगोरा मानसिखायनो सोरखौ लोगो जायोब्ला बारग' गोन बांगाल खायदाफोरखौबो रोंखाथारसिगो नालाय। जॉनि गामिनि आफादगिरि मानाव गेदेत बिथाडा मोजाडैने गब्ल थारोनो। मिलाय थारदों सानैजों ओरै नोब्लाबो मालायनि मोनब्लाथाय गंगलाय नोगोरनि आफादगिरिआ ख्लाब-ख्लाब बोख्लाब थारो। माब्लाबा बैसागुआव हिनजावफोर मागिनानै मोन्नाय खाजि जाफुनायखौ बोरेदि सोग्रावखो हासिंडेनो साराय गेजेर नांजासे जाब्लाबो सिखाराखेंनो सिबायफोर, हाजार हग गामिनि गोरा, उफाय गैया बिनायमानि होनांदों। बे दिननिफ्रायनो जॉनि गामिनि आइजो महिला फोरानो मानाव गेदेत आफादगिरि बिथांखौ थाइलेण्ड मागुर थाइटेल्बो होनाय जायासै। ओरैनो हिनजावआनो साने दंखायो, आरोबाव सरं फाखायनाय हुदाखौनो नागरा नालाय एकाण्टेण्ड मन महन उजिर बसुमतारी बिथांखौबो ओरैनेसो सारोमै ग्यैफोरनि आबुखाय गामियाव दिल महम्मद गावज्रिनाय जायो। दा बिथांखौ जेरावबो दिल महम्मद मुडेनो मिथिसेबो। जायखि जाया आंबो राइजोफोरजों थाफानांगोब्ला थॉसिगोन होन्नानै मोनानि ओंखामखौ जुथयैनो मैथा बांगालजों नाजों जानानै आगान सुरलाडासै दिल महम्मदनि नसिम। साफा सानै जमा जाहांबायमोन जानांगो, सिलाथारवा सौहै ब्ला दंखाथारसैमोन बिथां आफादगिरि, नेहाथारोजों लोगोआव थॉगोर आरो रमेनआ। नुनाय लोगो लोगोनो बुंनो हमहांबायानो आंखौ जंखायनाय बादि रावयै बिबानो थॉगोरआ। मा गुमै गिख' माथो दिनें नोंसो आवगाय आवगाय थारब्ला। बे समावनो खाब जानाय बादि मोनथारनाय नेहाथारी बाबुआबो लोगो नांफा देश्रासै, सिलाफ्राव गोलेर अक्ट पास फे नो नागिरब्लालाय।

# कलबारि-गेरुवापारआव बुड़ा गहाइ थानआव बोसोरारि फोर्बा खुंफुंजाबाय

**भवानिपुर, 21 जानेवारी:** भवानिपुरनि खाथियाव थानाय जारिमिनारि कलबारि-गेरुवापार श्रीश्री बुड़ा गहाइ थाननि बोसोरारि फोर्बांआ थांनाय 19 जानेवाराखालि सानसेनि हाबाफारिजों खुंफुंजायो। सानसेनि हाबाफारिजों खुंनाय बोसोरारि फोर्बांआव फुंनि समाव आर'ज गावनाय जायो। बेनि उनाव बिफां फुलि गायनाय, भागवत फारायथिनाय, आइजोफोरनि घषमान दिन्थिफुंनाय जायो। मोनाबिलिआव जुथाय आलारि बाथि फोजोनाय हाबाफारिखौ बेखेवनानै होयो कलबारि गामिनि



गागि नोगोरारि प्रफुल्ल दासआ। हरनि समाव नागार नाम आरो थियानाम दिन्थिफुंनय हाबाफारिखौ बेखेवनानै होयो फोरोंगिरि गुनदित काकतिआ। बेखेवनाय हाबाफारियाव गहाइ आलासि महरै बिबुंथि होयो भवानिपुर बिधान सभा बियाबनि एमएलए फनिथर तालुकदारआ। हाज', बालिपारा आरो कलबारि नाम हान्जया नागार नाम आरो थिया नाम दिन्थिफुडे। कलबारि-गेरुवापार श्रीश्री बुड़ा गहाइ थाननि बोसोरारि फोर्बां गोबां सिबियाफोरा बाहागो लायो।

( 1 बिलाइनिफ्राय )

( 1 बिलाइनिफ्राय )

## बर' बिजोनि गं 50 गोजौ फरायसालिखौ गोजौसिन गेजेर फरायसालिसिम ..

आलासि महरै बाहागो लाफेनानै आसामनि गिबि मन्थि ७ हिमन्त बिश्व शर्माआ बर' हारिनि राव, थुनलाइ आरो बर' बिजोखौ फोजौखानायनि फासै रहा लागोननि थाखाय माखासे गोनांथार बाथ्राफोरखो गावनि बिबुंथिनि गेजेरजों फोरमायथियो। गावनि बिबुंथियाव गिबि मन्थि ७ शर्माआ बर' थुनलाइ आफादखौ हायुंआरि बिजाब बाथ्रि बेखेवनो, बिजाब मेला खुंनो, गथ'सा थुनलाइ, बिजिरसं जारिमिन, गोदान थुनलाइगिरि सोरंजिनो आरो बिजाब सोरंजिनयनि फासै आवगायलानो खावलायो। दिनेंनै बे बर' थुनलाइ आफादनि 63थि बोसोरारि जथुम्मानि गेवलां मेलनि जौसाडाव गावनि बिबुंथिनि गेजेरजों गिबि मन्थि शर्माआ बर' बिजोनि गं 50 गोजौ फरायसालिफोरखौ थाबैने गोजौसिन गेजेरारि थाखोसिम फोजौखानायनि थाखाय राइज्यो सरकारआ राहा लागोन होन्नानै खोथा होयो। बेनि अनगायैबो तिनिचुकिया, शराइदेव, गलघाट, हजाइ, मरिगाव, लक्षिमपुर, बिश्वनाथ, कामरुप, बरपेटा आरो सनितपुर जिल्लायाव बर' थुनलाइ आफादनि भवन लुफुनायनि थाखाय 20 लाख रॉनि अनुंथाइ होनो थाखाय आसाम सरकार थांखि लानायखौ फोरमायनानै बुडे। लोगोसे कामरुप जिल्लायाव मोत्रसे अडिट'रियाम एवा सावयय न'ब्लां लुफुनायनि थाखाय 1 कोटि रं अनुंथाइ हरोसो गिबि मन्थिआ गावनि बिबुंथिनि गेजेरजों खोथा होयो। बिथाडा गावनि बिबुंथियाव बर' हारिनि फासै गयखानानै बुंबावोदि, बर' हारिया राव, थुनलाइ, हारिमु आरो दोरोडारि आसारखांथि गोनां मोनसे धोनि हारि। मोनसे गाब गोनां आरिमु आरो हारिमुनि गेजेरजों बर' थुनलाइआ सोरंजिजादें। बर' थुनलाइनि फोथाराव फोरमायनाय सानसि आरो सान्थोफोरा आसामनि थुनलायारि फोथारखौ बिदै बरहा खालामदें। बर' थुनलाइ आफादआ आसामनि गेजेरआव मोनसे एंगार हाये बाहागो। बर सुबुंफोरनि दोरोडारि नेसांन आरो आथिखालनि सांग्रांथि हाबाफारिफोराव बेसेन गोसा बिहोमा होबेदें। थांनय 10 बोसोर समनि गेजेरव बर' थुनलाइ आफादआ बर' सुबुंफोरखौ बांसिने गोखौंसिन खालामनाय आरो जिउ गोनां खालामनायाव लैथो बायदि बिफाव लाबेदें। बर' हारिनि राव आरो थुनलाइनि जौगानायाव बर' थुनलाइ आफादआ गायसनजेन्नायनिफ्रायनो राइज्योनि समाजारि जिउखौ गोखौ खालामनायाव बर' हारिखौ जर'खा थुलुंगा होनायखौ रायखानानै गिबि मन्थि ७ शर्माआ बुंबावोदि, थांनय 10 बोसोर समनि गेजेरव बर' थुनलाइ आफादआ बर' राव आरो थुनलाइनि बाथ्रिखौ जौगाहोनायाव गहाइ बिफाव लानानै इयुन जोले एवा हारिनि गोदान लिरगिरिफोरखौ गोथोथै थुलुंगा होबेदें। बिमा रावखौ मोजां मोन्नायानो मोनसे हादतखौ सनमान होनायजों मुलुगनि मान सावगारियाव गोगानानै थानो साहस आरो थुलुंगा होयो। बिमा रावनि जौगानायनि थाखाय जायखि-जाया हारि एबा हारिसानि गेजेरवनो मोनसे सान्नाय आरो नाजानाय थायो। नाथाय जायखि-जाया हादतनि राव आरो थुनलाइनि जौगानायखौ गावनि हारिसिंनि नाजानायजॉल' जाफुंहोनो हाया। बेनि थाखाय खौसेयै मोजां बिथांखि आजावनायनि गेजेरजों खामानि मावनानैसो जाफुंसार खालामनो हायो। वेबायदिनो बर' थुनलाइ आफादआबो बर' हारिनि राव, थुनलाइखौ जौगाहोनो थाखाय गोब्राब खामानि मावबोदें आरो नाजोबोदें। बर' हारिनि राव आरो थुनलाइखौ जौगाहोनायाव बर' थुनलाइ आफादनि बिबानगिरिफोरनि मैखोम बिहोमा दड होन्नानै गिबि मन्थि ७ शर्माआ गावनि बिबुंथियाव फोरमायबावो। बिथाडा गावनि बिबुंथिनि गेजेरजों खोथा होयोदि, बर' बिजोनि गं 50 गोजौ फरायसालिफोरखौ गोजौसिन गेजेरारि थाखोसिम फोजौखानायखौ मावफुंनो थाखाय आसाम सरकारआ थाबैने थिरांथा लानाय जागोन। दिनेंनै बर' थुनलाइ आफादनि जोबथा साब एबा गेवलां मेलनि हाबाफारियाव गिबि मन्थि ७ हिमन्त बिश्व शर्माजों लोगोसे आसामनि केबनेट मन्थि उखॉव गोरा ब्रम, एमपि कुइन अन्ज, बिटिआरनि गहाइ मावफुं सोद्रोमा प्रमद बर', एमएलए हेमांग ठाकुरियाजों लोगोसे गुबुन गोबां गोजौ थाखोनि दैदेनगिरिफोरजों लोगोसे गोबां रोजा राइजो-राजाफोरखो बाहागो लानायजों बर' थुनलाइ आफादनि 63थि बोसोर सालिया जथुम्माया मेहेरगोनाडै जोबलाडो।

## बर' बिजोनि सरकारी फरायसालियाव मुं थिसन्नायखौ बांहोनो फेगौ ..

मेलाव गहाइ आलासि महरै बाहागो लायो साहित्य अकाडेमिनि लोगो आफादगिरि प्र. कुमुद शर्माआ। गेवलां मेलाव जर'खा आलासि महरै बाहागो लायो दुलाराइ बर' फरायसा आफादनि आफादगिरि दिपेन बर'आ। जर'खा आलासि महरै बाहागो लानानै बिथाड जोनोमनि उननिफ्रायनो हारियाव बर' थुनलाइ आफादनि बिहोमा, राव आरो बिजोनि थाखाय फोरमायस'हायै खामानि मावबोनाय आरो आथिखालाव बर' बिजोनि थासारिनि सायाव गुवारै बिबुंथि लाखिनानै बर' बिजोनि सरकारी फरायसालिफोराव मुं थिसननायखौ बांहोनो फेगौ फेबुवारी आरो मार्च दानआव एबसु आरो बर' थुनलाइ आफादा जुथायै एनरलमेन्ट केम्पेहन खालामगोन, लोगोसे बे मिसनखौ आसाम आरो बिटिआरनि गंफ्रोमबो फरायसालियावनो खुंनाय जागोन होन्नानै गुवारै फोरमायथियो। गेवलां मेलाव गोबां हांखायजानाय आलासि, माननि आलासि, सानसुमै, लिरगिरि, राइजो-राजाफोर आओ फरायसाफोरनि मैखोमै बाहागो लानायजों खुंगा 63 थि बोसोरारि जथुमानि गेवलां मेला मेहेर गोनाडै जोबलाडो।

## दिल्ली एनसिआर बर' थुनलाइ आफादआ .....

होयो। बे जथुमाव दिल्ली एनसिआर बर' थुनलाइ आफादनिफ्राय थान्दै महरै आफादगिरि प्र: निराला रामसियारी, गहाइ नेहाथारि ७ धरिजि नार्जरी आरो हारिमुवारि नेहाथारि जिनु मुसाहारी मोनहा बाहागो लादोमोन होन्नानै दिल्ली एनसिआर बर' थुनलाइ आफादआ गांसै रदाव बिबुंसारिनि गेजेरजों मिथिहोदें।

## ककराझार लकसभा बियाबाव फिन बिजाथि फसंनो साखा-फारा ..

लागासिनो दं। अबर' सुरक्षा समितिआ गासैबो बर' नडि आफादफोरखौ लाफानानै मोनसे खोसैथि आफाद दादोमोन आरो नब कुमार शरनिथाखौ ककराझारनि लकसभा बियाबाव फारिये खेबनै एमपि महरै देरहाहोदेंमोन। देरलायनि लकसभा बिसायख'थियावबो अबर' सुरक्षा समितिआ गुबुन आफादफोरजों खोसैथि आफाद दानो थिरांथा लाखाबाय होन्नानै आफादनि गहाइ नेहाथारि माधव राजबंसिआ फोरमायो। मख'नो गोनांदि, बे मेलाव ललित हेमरमखौ आफादगिरि, गुलजार हुसेनखौ मावफुं आफादगिरि, माधव राजबंसिखौ नेहाथारि महरै लानानै गासै सा 51 सोद्रोमानि अबर' सुरक्षा समितिनि मिरु आफादखौ दाफुंनाय जायो।

## ( 1 बिलाइनिफ्राय ) सालाकातिआव बिपिएफ दोलोनि मावफारिया मेल खुदों .....

बिटिसिआव बिपिएफ दोलोया सरकार दानो हायोब्ला बेनि उनाव दिसपुर दखल खालामनो हागोन। खोंगिरिफोरान ब' कुमार शरनियानि एसटिनि फोरमान बिलाइ बोखारजानायनि सोमोन्दै सॉथि खालामनायाव महिलारीआ नब' कुमार शरनियानि एसटिनि फोरमान बिलाइ बोखारजानायनि सोमोन्दै समाजारि बिजोव भाइरल जानायखौ मिथिदोब्लाबो नाथाय बे बाथ्राया बेसेबां सैथो बेनि बागे दासिमबो मोजाडे मिथियाखे होन्नानै बुडे। लोगोसे बिथड लकसभा बिसायख'थियाव देरहानायनि आदव आजावदें होन्ना मिथिहोनानै मावफारि महरै साफ्रोमो साथामनि बिबान लायोब्ला बिपिएफ दोलोया देरहानाया रोखा। ककराझार लकसभा बियाबाव बे खेबाव बिसायख'थिनि दावहाया इडपिंपिएल दोलोजों जागोन। गुबुन फासैथिं, उदालगुरि-दरं बियाबाव कंग्रेस-बिजेपि आरो बिपिएफ गेजेराव बिसायख'थिनि दावहाया जानाय रोखा होन्नानै बिथाड बुडे। बिपिएफ दोलोया गुबुन राजखान्द्वि हन्जाजों लोगो जाया होन्ना दाबि खालामनानै हाग्रामा महिलारीआ इडपिंपिएल दोलोनि आफादगिरि आरो आन्थिखालनि बिटिसिनि गहाइ मावफुं सोद्रोमा प्रमद बर'खौ गोखों रावजों सोंखारियो। बिथाडा बुडेदि, सासे थगायसुला, गावनि हारिखौ थगायग्रा प्रमद बर'आ गुबुन हारिनि थाखाय मा खामानि मावगो। बिथाडा बुडेदि कच-राजबंसि, आदिबासिफोरा एसटि माननि थाखाय सोमावसारबोदों नाथाय बिसोरनि दैदेनगिरिफोरा बडिगाडै लानानै बेरायाखै, नाथाय प्रमद बर'आ बडिगाडै लानानै एवसुनि सोमावसारदोमोन। गामिनि राइजो-राजाफोरनिफ्राय बर' सोमावसारनायनि मुडाव जुरिमनाय लानानै गोबां खस्त होदोमोन होन्नानै बिथाडा दुखुमोन्नाय फोरमायो। बिपिएफआ बिटिसिनि खुंथाय गोहोयव फैब्ला प्रमद बर'नि बायदि नंखाय खोथा होया होन्ना फोरमायनानै बिटिसिनि फारफ्रोमबो बिथिनि जौगाथायनि खामानि मावगोन होन्ना फोरमायनानै बिथाडा बिपिएफ दोलोया खुंथाय गोहोयाव फैब्ला गिबियावनो हा गैजायै राइजो-राजाफोरनो हानि पाट्टा होनाय जागोन होन्नानै फोरमायो। बिपिएफ दोलोनि मावफारिया मेलव दोलोनि लेडाइ आफादगिरि खाम्फा बरगयारी, बारग' मन्थि प्रमिला रावि ब्रम, ककराझार जिल्ला बिपिएफनि आफादगिरि आरो सालाकाति बियाबनि एमसिएलए देरहासाव बसुमतारिजों लोगोसे दोलोनि गोबां दैदेनगिरि आरो मावथिफोरा बाहागो लायो।

## माहारियारि आदार रेखाथि आइनि सिडाव माजबातआव रेसन कार्ड रान्दों

मन्थिआ बुडेदि, रंखांथियारि महरै लोरबां सुबुंफोरनो रेहाय होनायनि थांखिजों राइज्यो सरकार रेसन कार्ड होदें। बे कार्डनि गेजेरजों गंफ्रोमबो नख'रनि साफ्रोमबो सोद्रोमाया दानफ्रोमबो 5 केडि माइरंजों लोगोसे एमपेनेल गोनां देहा फाहामसालियव आयुष्मान भारत आओ आयुष्मान आसामनि सिडाव 5 लाख रॉनि देहा फाहामथायनि खाबुखौ मोननो हानायजों लोगोसे गहाइ मन्थि उज्जला बिथांखिनि सिडाव संग्रा गेसनि फोनांजाबनि खाबुखौबो मोननो हागोन। गहाइ मन्थि नेरन्ड मदिनि दैदेननायाव राइज्यो सरकार राइजो-राजाफोरनि अन्सायनायखौ मोनसे गोदान थाखोसिम लानो थाखाय गिदिर थांखि आजावदें होन्ना मख'नानै गिबि मन्थिआ बुडेदि, फेगौ समाव बे बायदिनो आरोबाव अन्सायारि बिथांखिफोरखौ जागायजेन्नानै राइजो-राजाफोरखौ समाजारि, रंखांथियारि आओ सोलेंथाइयारि बिथिडव गोखों खालामनाय जागोन। गिबि मन्थिआ बुडेदि, गहाइ मन्थि नेरन्ड मदि आओ मिरुनि नख'र मन्थि अमित शाहनि दैदेननायाव बर' गोजोन गोरोबथा खानायनि उनाव बिटिआर ओन्सोलाव गोजोन आओ जौगाथाया मोनसे गोदान खारथाय मोनो हादें। उदालगुरिआव खुंथाय केबिनेट जथुमाव लानाय थांखिफोरखौ मावफुंनयनि सायाव फेबुवारी दानाव बिथाडा जिल्लायाव दावबायहेनायनि समाव नायबिजिरिफनाय जागोन होन्नानैबो गावनि बिबुंथियाव फोरमायो। लोगोसे बिटिआर ओन्सोलनि जौगाथायनि थाखाय केबिनेटनि गासैबो थांखिखौ मावफुंनयनि थांखिखौ गोखे खालामनाय जागोन होन्नानै गिबि मन्थिआ बुंबावो। माजबात सहरनि दै थाबथानाय जेन्नाखौ थाबैने सुखानो थाखाय सरकार थांखि लादें होन्नानै गिबि मन्थिआ बुडे। गिबि मन्थिआ उदालगुरिआव माहारियारि थाखोनि गेलेमु बादायलायनाय खुंनायजों लोगोसे जिल्लानि गेलेगिरिफोर गेलेमु बिथिडव दावगालानो हानाय बायदिथै फोजौखानो थाखाय उदालगुरिआव जिल्ला स्टेडियम लुनाय जागोन होन्नानैबो फोसावनानै होयो। दिनेंनै बे हाबाफारियाव आसाम बिधान सभानि बुंथिगिरि बिस्वजित दैमारी, बिटिसिनि गहाइ मावफुं सोद्रोमा प्रमद बर' आओ एमपि दिलिप शइकियाआबो बिबुंथि होयो। मेलाव माजबात बियाबनि एमएलए चरन बर', बिटिसिनि लेडाइ गहाइ मावफुं सोद्रोमा गावन्ड चन्द्र बसुमतारि आओ गुबुन मेलैमाजि सुबुफोरा बाहागो लायो।



## सलमान खानखौ हलिउड फावखुंगुर एन्थनी हपकिन्सजों लोगोसे नुनो मोन्दों

जेब्लानो सुबुंफोरा सलमान खाननि मुंखौ खोनायो अब्लानो बाख्नायनो हमो। मानोना भाइजानआ गासै मुलुगाव जोबोद मुंदांखा। बेबादि जेबो हाबाफारि एबा बान्था फोर्बो गैया, जेराव सलमानखौ नुनो मोन्नाय जायाखै। बिथाड भारतआवल' नख गुबुन हादरावबो गावनि मेलेमगोनां फाव दिन्थिनायनि थाखाय मुंदांखा। बावैसो, सलमान खानखौ हलिउडनि मुंदांखा फावखुंगुर एन्थनी हपकिन्सजों लोगोसे नुनो मोन्दों। फावखुंगुरि फट' आरो भिडिअ'फोरा। सशेल मिडियाआव गोखैयै गोसारगासिनो दं, जायनि उनाव सलमान खान आरो एन्थनी



हपकिन्सआ सावरायजानायाव फेदों। सानैखौबो सौदि आरबआव बान्था दिन्थिफुनायाव नुनो मोन्नाय जादोंमोन। सावथुन मुलुगनि सानै सुपारस्टार सलमान खान आरो एन्थनी हपकिन्सनि मोनसे भिडिअ'आ

सशेल मिडियाआव गोबां गोसारलांगासिनो दं। भिडिअ'आव बै सावगारिखौ सेबखांजादों, जेराव सलमान खानखौ अस्कार बान्था मोनगिरि फावखुंगुर एन्थनी हपकिन्सजों पज होनाय नुनो

मोन्दों। फेन पेजफोरा सावगारि आरो भिडिअ'फोरखौ सशेल मिडिया हेन्डलफोराव सेयार खालामगासिनो दं। सावगारियाव सलमानखौ ग्रे-गाबनि फरमेल आउटफिटआव नुनो मोन्नाय जादों। एन्थनी

हपकिन्सखौ मोनसे गोसोम गाव आरो गुफुर फरमेल शर्ट गान्नाय नुनो मोन्दों। सलमान खानआ जय एवार्डस हाबाफारियाव बाहागो लानो थाखाय सौदि आरबआव दंमोन। आलिया भाट्टआवो बे हाबाफारियाव नुजाथिदों आरो बिथांजोखौबो मान होनाय जादोंमोन। फावखुंगुरि भिडिअ'आवो गोबां भाइरेल जागासिनो दं। आलिया भाट्टखौ मेहरून आरो गोथां गाबनि जथायजों साडीआव जोबोद समायना नुदोंमोन। बेयो नैथि खेब जेब्ला सलमानखौ जय एवार्डसआव लिंहरनाय जादों। बे हाबाफारियाव सलमानआ 'पर्सनालिटी अफ दि इयर' बान्था मोनदों। सलमान खानखौ जोबथा सावथुन 'टाइगर 3' आव नुनो मोन्नाय जादोंमोन। बे सावथुनाव के टिना के फखौ फिन खेबसेबाव बिथांजों लोगोसे नुनो मोन्नाय जादोंमोन। सलमान खानखौ आथिखालाव बिग बसखौ ह'स्ट खालामनाय नुनो मोनो। सावथुन 'एक था टाइगर' आरो 'टाइगर जिंदा है' नि उनाव, 'टाइगर 3' आ बोसोर 2023 माइथायाव जाफुंसारदोंमोन।

## सुशान्त सिंहआ मोनफ्रोमबो आखुजों नायगिरिफोरनि गोसोखौ जै खालामदोंमोन

दिनै सुशान्त सिंह राजपुतनि 37थि जोनोम सान। 34 बोसोर बैसोआव मुलुगखौ नागारनाय फावखुंगुरखौ रावबो बावाखै। टिभिनिफ्राय लानानै सावथुन मुलुगसिम बिथाड गावनि साबसिन खामानिजों बयनिबो गोसोखौ जै खालामनो हादोंमोन। सुशान्त सिंहआ जेब्लाबो गावनि गावारि आरो जिउ राहायारि जिउनि बागै सावरायबाय थायोमोन। बिथांनि रुंसारि जानाया दिनैसिमबो मोनसे सुसुजायै सोमोनांथाव बाथा जानानै दं। हिन्दी सावथुननि लाइमोन आरो मुंदांखा फावखुंगुर सुशान्त सिंह राजपुतआ दिभिजों गावनि जिउ राहाखौ जुरिजेनदोंमोन। बिनि उनाव बिथाड सावथुनफोराव गोबां खामानि मावनानै नायगिरिफोरनि गोसोआव मोनसे गुबुन जायगा बानायदोंमोन। सुशान्त सिंह राजपुतनि माखासे सावथुन आरो आखुफोरखौ दासिमबो सुबुंफोरा गोसोआव लाखियो, जायखौ बिथाड मोनसे सिनायथि मोन्दोंमोन। सुशान्तआ गावनि केरियारखौ एकता कापुरनि टिभि दिन्थिफुनाय 'किस देश में है मेरा दिल' जों जागायो। फावखुंगुरआ प्रीत सिंह जुनेजानि फाव खालामदोंमोन। एकताया



सुशान्तखौ गावनि सिरियेलआव गाहाय फाव खालामदोंमोन। एकताया बिथांखौ 'पवित्र रिश्ता' नि थाखाय गाहाय फाव खालामदोंमोन। बे स्वआव बिथाड मानव देशमुखनि फाव खालामनाय सुबुंफोरनि गोसोआव मोनसे जुनिया जायगा बानायदोंमोन। सुशान्त सिंह आरो अंकिता लखन्डेआ बिथांमोननि अन-स्क्रिन केमिस्ट्रीखौ सुबुंफोरा मोजा मोनोमोन। सुशान्तआ ई 2010 माइथायाव 'झलक दिखला जा 4' आवबो बाहागो लादोंमोन। बिथाड डान्स रियेलिटी स्विन सेथि रानार-आपमोन। बिथाड सावथुन 'काइ प' चे जों सावथुन मुलुगाव आगान होजेनो, जायनि उनाव बिथाड 'एमएस धनी', 'केदारनाथ' बायदि गोबां जाफुंसार सावथुनफोर खालामदोंमोन। सावथुन 'एमएस धनी' जों


बिथांनि खाफाला सोलायदोंमोन। सावथुन 'काइ प' चे' खौ 2013 मायथाइयाव सिनेमाहलफोराव रिलिज खालामनाय जादोंमोन। बिथांनि बे सावथुना साथाम लोगोफोरनि सायाव बिथा खालामनायमोन। बे सावथुनआव बिथाड खालामनाय फावनि थाखाय बिथांखौ जोबोद बाख्नायनाय जादोंमोन। भारतारि क्रिकेट टीमनि बयनिखुइबो जाफुंसार केप्टेन महेन्द्र सिंह धनीनि बे बाय'पिक सावथुन एमएस धनी-दि अनट'ल्ड स्ट'री आ सुशान्त सिंह राजपुतनि केरियारनि बयनिखुइ देरसिन जाफुंसारनायफोरनि जेजेराव मोनसे। बे सावथुनाव सुशान्तआ धनीनि फावआव जोबोद मोजां खामानि मावदोंमोन। बेनि थाखाय बिथाड साबसिन फावखुंगुरनि फिल्मफेयार बान्थानि थाखाय

मुं सायख'जादोंमोन। 'केदारनाथ' सावथुनआ 2018 मायथाइयाव फोसाव जादोंमोन। बे सावथुनखौ केदारनाथनि मिथिगायारि खौफोदखौ नोजोर होनानै बानायनाय जादोंमोन। बे सावथुनाव सुशान्त सिंह राजपुतआ गावनि आखुखौ जोबोद समायनायै फाव खालामदोंमोन। बे सावथुनाव सारा आलि खानआ गाहाइ फावआव दंमोन। सुशान्त सिंह राजपुतआ सावथुन 'छिछरे' आव गावनि फावखौ औरैबादि खालामदों मोनदि, नायगिरिफोरा बिथांखो बाख्नायनायनिफ्राय गावसोरखो हमथानो हायाखैमोन। बे सावथुना साबा लोगोफोरनि सायाव बिथा खालामनायमोन, जाय फेलैनिफ्राय जाफुंसारनायसिम गावसोरनि जिउखौ लायो। सावथुन 'दिल बेचारा'आ सुशान्तनि अनसायगिरिफोरनि थाखाय जोबोद जुनियामोन। मानोना बे सावथुना सुशान्तनि जोबथा सांघीआ सुशान्तजों लोगोसे मोनसे गोनां फाव खालामदोंमोन आरो बेयो संजनानि गिबि सावथुनमोन।

## माहाम देहानि राहा

### गुसु बोथोरा नोंथानि थैनि खारथायखौ लासै खालामनो हागौ, अंगफोरनि गोब्राबथिखौ बांहोनेो हागौ

गोदान दिल्ली, 21 जानेवारी: गाजि थै सार्कुलेशननि गोहोमखौ गासै देहायाव नुनो मोनो। सोलिफु समाव बिदुख गोखैयै गाहायाव फे गासिनो आरो गुसुनि जाहोनाव थैनि गोसारथियाबो गोखैयै खमायलाडो। बेनि जाहोनाव देहानि गोबां अंगफोरा गोहोम खोखलैयो आरो बेफोरनि खामानिया गाजि जालानो हमो। जेब्ला बिदुख बाडइ जायो अब्ला बेयो थैनि गोसारथिखौ बाडइ खालामो। थामहिनबा थै खारनायनि गोखैथिया खम जायो आरो बेनि गोहोमखौ गासै देहायाव नुनो मोनो। बेबादि थासारियाव देहानि गासैबो अंगफोरा गोहोम गोखैयो आरो बेसोरनि ख'हा जानायखौ नुनो मोनो। गाजि थै गोसारथिया गाहायाव होनायफोर अंगफोरनि गोब्राबथिखौ बांहोयो। बेफोर जादों-



नारसिननाय जायो आरो फिन हाइ बिपिनि जेना जायो। गोजां बोथोराव बिखायाव थै गोसारनाया बांसिन जायो आरो बेनि नारसिननाया देहायाव गोखैयो, जाय स्ट्रकनि खैफोदखौ बांहोयो। बेयो हार्ट एटेकनि खैफोदखौबो बांहोयो। 2. जरायाव आरो हारा सानाय: जराफोर आरो हाराफोराव सानायनि जेनाया लासै लासै थै खारनायनि जाहोनाव जानो हागौ। गुबैयै, लासै लासै थै गोसारनाया नोंथानि बेगेफोरखो सिनिफ्राय गोहोम खोखलैयो आरो जरायाव बुनाय आरो फिन गोब्राब जाहोयो। बेनि जाहोनाव, जराफोरनि सिडव सानाय जायो आरो फिन बेसोरनि सोमावनायाव गोब्राब जायो। बेनि जाहोनाव गोजां बोथोराव

आर्थराइटिस बायदि बेराम आरो जराजों सोमोन्दो थानाय जेनाफोरा बांलाडो। 3. रोदानि बेरामफोरा बांलाडो: गोजां बोथोराव रोदाफोरजों सोमोन्दो थानाय बेरामफोरा आरोबाव बांलाडो। बेनि मोनसे गाहाइ जाहोना जादों गाजि थै खारनाय, जायनि जाहोनाव रोदाफोरनि खामानियाव गोहोम खोखलैयो आरो देहानि अंगफोरा मोजाडै खामानि मावनो हाया। बेनिखायनो गोजां बोथोराव रोदाजों सोमोन्दो थानाय बेरामफोरनि जाहोना जायो। बेनिखायनो, जुदि बेफोर गासैबो अंगफोराव माबाफोर जेना दं, अब्ला बुजिना लादि नोंथानि थैनि गोसारथिया गोहोम खोखलैदों।

## आलिया भाट्टआ सौदि आरबआव बान्था देरहादों

आलिया भाट्टआ बलिउडनि साबसिन फावखुंगुरनि गेजेराव सासे। बिथाड सावथुन मुलुगाव गावनि मेलेमगोनां खामानिजों मोनसे गुबुन सिनायथि बानायदों। थानाय बोसोराव फावखुंगुरखौ सावथुन 'गुंगुबाइ काठियावाड़ी' नि थाखाय हायुंआरि बान्थाजों मान होनाय जादोंमोन आरो बावैसो सौदि आरबनि मोनसे हाबाफारियाव बिथांखौ फिन खेबसेबाव बे बान्थाजों मान बावनाय जादों। फावखुंगुरि भिडिअ' आरो सावगारिफोरा समाजारि बिजोंआव गोखैयै गोसारलांगासिनो दं, जेराव बिथांखौ बान्थाजों लोगोसे नुनो मोन्नाय जादों। बे बान्था फोर्बोआव आलिया भाट्टआ गावनि नुथायजों बयनिबो गोसोखौ बोनेो हादों। आलिया भाट्टआ गावनि सावथुन आरो नुथायनि थाखाय जेब्लाबो



खौरांआव थायो। जय एवार्डस 2024 नि हाबाफारियाव बलिउडनि लाइमोन आरो आखा-फाखा फावखुंगुरि आलिया भाट्टखौ मानगोनां रंजानाय बानायग्रा बान्थाजों मान होनाय जादों। हाबाफारिनि गोबां भिडिअ' आरो सावगारिफोरा इन्टरनेटआव गोसारगासिनो दं। बे हाबाफारियाव मानगोनां रंजानाय बानायग्रा बान्था मोनखानायनि उनाव आलियाआ खौराडव गावनि गोजोन्नायखौ फोरमायदों। सुबुंफोरा

समाजारि बिजोडव फावखुंगुरि बिबुंथि भिडिअ'खौ जोबोद मोजां मोनो। फेन्सफोराबो फावखुंगुरि खौ जोबोर बाख्नायनाय नुनो मोनो। बान्था दिन्थिफुनायाव आलिया भाट्टआ मेहरून आरो गोथां गाबनि साडी गान्दोंमोन। अफ-शल्डर ब्लाउजजों लोगोसे अजरख-प्रिन्ट साडी लादोंमोन। खानाइखौ खावसे लांदां दोन्नाय जादों, फावखुंगुरिया साडीखौ

ओरै बादि स्टाइलिश गानदोंदि, बयबो बिथांखौ बाख्नायगासिनो दं। मोनसे दोरोडरि गान्नाय-जोमनाय आरो गोरलै नुथायजों आलियाआ हाबाफारियाव नुजाथिदोंमोन। आलिया भाट्टनि वार्कफ्रन्टनि बाथा बुडेब्ला, आलिया भाट्टआ करण जौहरनि 'रकी और रानी की प्रेम कहानी' आव बिथांनि मोजां खामानिनि थाखाय फिल्मफेयार बान्था 2024 आव साबसिन फावखुंगुरि बान्थानि थाखाय मुं सायख'जादोंमोन। बान्था फोर्बोनि 69थि खुंथाइया 27 आरो 28 जानेवारीयाव गुजरातआव खुंजागोन। फावखुंगुरिखौ जोबथा खेब करण जौहरनि सावथुन 'रकी और रानी की प्रेम कहानी' आव नुनो मोन्नाय जादोंमोन।

## आमिर खानआ 2 बोसोरनि उनाव थाबैनो रवामानियाव फैफिनगोन

आमिर खानआ फिसाजो आयरा खानखौ गाजा-गोमजायै जुलि होखानायनि उनाव गावनि खामानियाव फैफिनबाय। आमिर खानआ 2022 मायथाइयाव सावथुन 'लाल सिंह चड्ढा' नि उननिफ्राय फेसालिनिफ्राय जानगाराव थादोंमोन। बेबादि थासारियाव आमिर खाननि अनसायगिरिफोरा। गोबाव समनिफ्रायनो बिथांनि फैफिनायखौ नेगासिनो दं। बेजों लोगोसे आमिर खाननि अनसायगिरिफोरनि थाखाय मोनसे मोजां खौरां ओंखारदों। बेखौ फोरमायनाय जादोंदि, फावखुंगुरआ फेगौ दाननि फेबुवारिनिफ्राय थाबैनो गावनि फेनो गोनां सावथुन 'सितारे जमीन पर' नि सेबखानायखौ जागायगोन। बेजों लोगोसे सानि देअलजों दिहुनगिरि महरें आमिरनि 'लाहौर 1947' नि



बागैबो खौरां ओंखारदों। आमिर खानआ थानाय बोसोरनिफ्राय गावनि मोननै गिदिर सावथुन 'सितारे जमीन पर' आरो 'लाहौर 1947' नि थाखाय खौरांआव थादों, जायनि थाखाय सुपारस्टारआ फेगौ दाननिफ्राय खामानि जागायनो थांगासिनो दं। मोनसे रिपर्टनि बायदिब्ला,

आमिरनि सावथुन 'सितारे जमीन पर'आ मोनसे समाजारि थुनफावथाय सावथुन, जेराव जेनेलिया डिजुजाखौ गाहाय आखु महरें नुनो मोनगोन। आमिर खानआवो बे सावथुननि थाखाय गावनि नुथायखौ थि खालामबाय आरो बिथाड बे सावथुननि सेबखानो थाखाय 70

निफ्राय 80 सानसो सम नांगोन। मख'नो गोनांदि, आमिरआ बे सावथुननि बांसिन बाहागोखौ दिल्लीआव सेबखानो थांगासिनो दं। बबेखानि बे केसनि जेबो मावख'आरि रोखा खालामनायखौ दासिमबो खालामनो हानाय नड। 'सितारे जमीन पर' नि अनगायैबो आमिरखौ दिथागिरि राजकुमार संतपीजों लोगोसे 'लाहौर 1947' आवबो नुनो मोनगोन। बे सावथुनाव सानि देअलखौबो गाहाय फाव खालामनाय नुनो मोनगोन। रिपर्ट'फोरनि बायदिब्ला, आमिरआ बे मोननैबो फेगौ सावथुनफोराव खामानि मावनो थाखाय आबुडे थियारि, जाय फेगौ दाननि फेबुवारिनिफ्राय फल'रआव थांगोन। आथिखालाव बेफोर फोर मायथिफोर खौ मावख'आरि महरें फोसावनाय जायाखै।

साउथ सावथुन आरो बलिउडनि मुंदांखा फावखुंगुरि रश्मिका मन्दानि मोनसे नंखाय भिडिअ' भाइरेल जादोंमोन, जाय सावथुन मुलुगाव मोनसे सोमावसारनाय थासारि सोमजिहोदोंमोन। रश्मिका मन्दानि उनावबो गोबां स्टारफोरनि डीपफेक भिडिअ' आरो फट'फोर ओंखारदोंमोन। दिल्ली पुलिसआ रश्मिका मन्दना दीपफेक के सनि दायनिगिरिखौ पुलिसआ खाबाय। दिल्ली पुलिसआ बे जाथायनि सायाव 10 नभम्बराव मोनसे गसर थिसनदोंमोन आरो आथिखालाव दायनिगिरिखौ हमनाय जाबाय। दीपफेक के सनि सायाव रश्मिका मन्दानि गिबि फिनजाथाय ओंखारदों, जेराव बिथाड दिल्ली पुलिसखौ बाख्नायदों। दिल्ली पुलिसआ आइपिसिनि

धारा 1860 (जाखल'नाय), 469 (मान-सम्मानखौ ख'हा खालामनाय) आरो आइटि एक्ट 2000 नि धारा 66 सि (सिनायथि खावनाय) आरो 66 इ (प्राइभेसिखौ सिफायनाय) नि सिडव केस रैजिस्टार खालामदोंमोन। जोबनायाव दिल्ली पुलिसआ जाफुंसार जायो आरो बिसोरै बै दायनिगिरिफोरखौ खायो, जाय नंखाय भिडिअ' बानायदोंमोन। 'एनिमेल' सावथुननि फावखुंगुरि रश्मिका मन्दनाया डीपफेक केसआव दिल्ली पुलिसनि बे जाफुंसारनायनि सायाव फिननाय होनानै मोनसे पस्ट सेयार खालामदों। बे जाथायनि दायनिगिरिखौ हमनायनि थाखाय दिल्ली पुलिसखौ साबायखर बावहरदों। बियो बुंदोंदि, आं बैसोर सुबुंफोरनिनिसिम गोसो



गोरबोनिफ्राय साबायखर बावनो लुबैयो, जायफोरा आंखौ एसेबां हेफाजाब होदोंमोन। गासैबो हौवासा आरो हिन्जावसाफोराबो बुजिनांगोनदि, जुदि नोंथानि सावगारिखौ माबाफोर गोरोथि लामाजों बाहायनाय जादों, अब्ला बेयो आबुडे गोरोथि। बेखौबो गोसोआव लाखिनांगौदि, बेबादि थासारियाव नोंथांखौ सोर हेफाजाब होनेो हागोन। रश्मिकाखौ आल्लु अर्जुनि

'पुष्पा: द रूल', 'रेनब', 'दि गार्लफ्रेंड' आरो 'चाव' आव नुनो मोनगोन। भिजय देभरकन्डा आरो रश्मिका मन्दनाया माखासे समनिफ्रायनो सशेल मिडियाआव दं। बांसावनाया सोलिगासिनो दंमोनदि, भिजय देभरकन्डा आरो रश्मिका मन्दनाआ फेबुवारियाव रादाय खागोन, नाथाय फावखुंगुरआ बेफोर बांसावनायखौ नेवसिगारदोंमोन।



## आडानी, आम्बानीनिफ्राय लानानै टाटासिम फालांगियारिफोरखौ राम मन्दिरआव गोथार खालामनो लिंहरनाय जादों

गोदान दिल्ली, 21 जानेवारी: प्राण प्रतिष्ठा हाबाफारिया 22 जानेवारी थामहिनबा समबारखालि आयध्यायाव लुनाय राम मन्दिराव खुंजागोन। जायफोरा हांखायहरजादों बिसोरल' बे हाबाफारियाव बाहागो लानो हागोन। फालांगियारि बिथिडव, मुकेश आम्बानी आरो बिथानि नख'र, मुंदांखा भारतयारि फालांगियारि रतन टाटा आरो दारिमिनगिरि गौतम आडानीआ बे हाबाफारिनि थाखाय हांखायहरजादों। बिसोरखौ राम मन्दिरनि गोथार खालामनाय फोर्बोनि थाखाय राइज्योनि आलासि महरै लिंहरनाय जादों। भारतयारि दारिमिनजों लोगोसे रंजानाय, गेलेमु, देंखो आरो गुबुन आयदानि मुंदांखा सुबुंफोरारो बे हाबाफारिनि थाखाय हांखायहरजादों। आम्बानी नख'राव आरबपति मकेश आम्बानी, बिथानि बिमा ककिलाबेन, बिसि नीता, फिसान्जलाफोर आकाश आरो अनन्त, बिहामजो श्लका आरो



बिहामजो राधिका मर्चेटखौ लिंहरनाय जादों। टाटा गुपनि मासिगिरि एमेरिटस रतन एन टाटा, टाटा सन्सनि मासिगिरि एन चन्द्रशेखरन आरो बिसि ललितायाबो हांखायजानाय सुबुंफोरनि फारिलाइयाव दं। फालांगियारि गौतम आडानी आरो खनिनि फालांगिरि अनिल अग्रवालआबो बे फारिलाइआव दड। बेनि अनगायैबो, हिन्दुजा गुपनि अशक हिन्दुजा, भिप्रोनि अजीम प्रेमजी, बम्बे डाईनि नुस्ली वाडिया, टरेन्ट गुपनि सुधीर मेहता, जीएमआर गुप

जीएम आर राव आरो रियल एस्टेट फालांगियारि निरन्जन हिरानन्दानीआबो हांखाय हरजादों। हांखायहरजानाय गुबुन मुंदांखा दारिमिनगिरिफोरनि मादाव आदित्य बिडला गुपनि मासिगिरि कुमार मंगलम बिडला आरो बिथानि बिसि नीरजा, पीरामल गुपनि अजय पीरामल, महिन्द्रा एन्ड महिन्द्रानि आनन्द महिन्द्रा, डिसेएम श्रीरामनि अजय श्रीराम आरो टाटा कनसालटेन्सि सार्विसेस (टिसिएस)नि सिइअ' नि कृ तिवसनआबो दं।

एचडिएफसि नि बारग' मासिगिरि दिपक पारेख, ड. रेड्डीज फार्मास्युटिकल्सनि सतीश रेड्डी, जि एन्टारटेनमेन्ट एन्टारप्राइजेसनि सिइअ पुनित गयनका, एल एन्ड टिनि मासिगिरि आरो एमडि एस एन सुब्रमण्यम आरो बिथानि बिसि, इन्फसिसनि गायसनगिरि एनआर नारायण मुर्ति, जिन्दल स्टील एन्ड पावारनि गाहाय नवीन जिन्दल आरो मेदांता गुपनि नरेश त्रेहनआबो गोथार हाबाफारिनि थाखाय हांखायहरजादोंमोन। बे

फारिलाइआव कोटक महिन्द्रा बेंकनि गायसनगिरि उदय कोटक, इन्फसिसनि गाहाय नन्दन नीलेकणि आरो कम्पानीनि लोगो-गायसनगिरि टी भि महनदास पाइ, इन्स्टिट्यूट अफ इन्डियानि सिइअ' अदार पुनावाला, एचडिएफसिनि आदित्य पुरी, गोदरेज गुपनि आफादगिरि आदि गोदरेज, भारत बायटेकनि गायसनगिरि आरो मासिगिरि कृष्णा एलाबो दं। इसरनि आफादगिरि एस समनाथ, डि.एम.आर.सि. नि गाहाइ बोसोनगिरि इ श्रीधरन आरो नीति सोद्रोमा वीके सारस्वतआबो बे फारिलाइआव दं। बेफोरनि अनगायैबो गोबां दारिमिननि दैदेनगिरिफोरा। बे फारिलाइआव दं। बेयो दासिमबो रोखा नडादि, बिसोरनि गेजेराव साबेसे सुबुंफोरा थारै'नो गोथार फोर्बोआव बाहागो लागोन।

## गाहाइ मन्थि नरेन्द्र मदिया मणिपुरनि नोगोरारिफोरनो राइज्यो गाइसन्थाइ सानाव गाहाम हामब्लाइथि जासिहरदों

गोदान दिल्ली, 21 जानेवारी : मणिपुर, मेघालय आरो त्रिपुरनि आलादा राइज्यो जानाया 50 बोसोर जाबाय। सा-सान्जा ओन्सोल एक्ट 1971 नि गेजेरजों मणिपुर, मेघालय आरो त्रिपुरनो 1972 नि 21 जानेवारीखालि आलादा राइज्यो मोन्थाइखौ होनाय जादोंमोन। मणिपुरनि गाइसन्थाइ साननि खाबुआव गाहाइ मन्थि नरेन्द्र मदिया गाहाम हामब्लाइथि जासिहरदों। बियो सशोल मिडिया प्लेटफर्म एक्सआव मोनसे पस्ट शेयार खालामदों। गाहाइ मन्थि मदिया लिर्दों, राइज्योनि सुबुंफोरनो आनि फारसेनिफ्राय गाहाम हामब्लाइथिखौ जासिहरो। मणिपुरआ भारतनि जौगाखानाय मोनसे गोखों बिहोमा होदों। जों राइज्योनि हारिमु आरो आसारखाथिनि सायाव गौरभखौ हमादाबे। आं मणिपुरनि जौगाखानायनि थाखाय आर'ज गाबो। गाहाइ



मन्थि मदिया त्रिपुरनि सुबुंफोरनो बिसोरनि राइज्यो गाइसन्थाइ सानाव गाहाम हामब्लाइथि जासिहरदों आरो बे सानखालि राइज्योनि जर'खा जारिमिनारिआरो जौगाखानायनि फोर्बो फालिनो खावलायदों। गुबुन मोनसे पस्टआव मदिया लिर्बावदों, मेघालयनि सुबुंफोरनो राइज्यो गाइसन्थाइ साननि गाहाम हामब्लाइथि जासिहरो। लोगोसेनो फैगो समफोरार मेघालया बांसिने जौगाखानो हागोनखौ आसा खालामदों। थानाय माखासे साननिफ्राय राइज्योआव

उतखारिफोरनि उतखार खालामनाया लान्थियै बांदों। बे हिंसायारि जाथायनि सायाव जिं'गा सिनानै राइज्योनि सोलेंथाइ मन्थि बसन्त कुमार सिंहआ शनिबाराव बुंदोंदि, सरकार उतखारिफोरनो फिन्नाय होनो थाखाय आबुडै थियारि जादों। मख'नो गोनांदि, थानाय माखासे सानाव उतखारिफोरा गाग्लोबनानै सा 7 सुबुंफोरखौ बुथारदों। बे गाग्लोबनायाव सानै मणिपुर पुलिस कामान्ड, साब्रे गामियारिनि सुबुं आरो सासे गामि रैखाथि होरा सुबुडा थैयो।

## आमेरिकानि ह्युस्टनआव 300 फुट गोजौआव राम मन्दिरनि ज'खा बिलबर्डखौ लागायनाय जादों



ह्युस्टन, 21 जानेवारी : आयध्याआव राम मन्दिर बेखेवनायनि सिगां मुलुगानाडै सुबुंफोरनि थुलुगाखानायखौ नुनो मोन्दों। बेनि गेजेराव श्री रामनि गुबै रावखौ फोरमायग्रा मोनसे

जर'खा बिलबर्डखौ आमेरिकानि ह्युस्टनआव लागायनाय जादों, जाय रोजा रोजा मटर सालायगिरिफोरनि नोजोरखौ बोनो हादों। बे बिलबर्डआ 300 फुट गोजौआव दड, जेराव

मन्दिर बेखेवगोननि खौरां होनाय जादों। ग्रिन कुम्भ यात्रा आरो सेफ राम सेतु अभियाननि गाइसनगिरि, लिभिं प्लेनेट फाउन्डेशननि कुसुम व्यासनि गेजेरजों बिलबर्ड प्रजेक्टखौ डिजाइन खालामनाय जादों। मख'नो गोनांदि, हिन्दु अफ ग्रेटर ह्युस्टन (एचजिएच) आ

फसंथानआनो बिलबर्डनि थाखाय फाउन्ड हरदों आरो बिलबर्डखौ ह्युस्टननि बयनिखुइ प्रिमियान लकेशनआव गाइसननाय जादों। बिलबर्डआ 21 जानेवारीखालि गुजराती समाज अफ ह्युस्टन (जिएएसएच) आव मोनसे फोर्बो खुंनाय जागोन। जेराव साफ्रोमबो ह्युस्टन नोगोरारिफोरखौ खावलायहरनाय जादों। बिलबर्डखौ डिजाइन खालामनाय कुसुम व्यासआ पिटिआइनो फोरमायदोंदि, बेनि गाहाइ थांखिया मोनसे ओरैबायदि बिलबर्डखौ बानायनायमोन, जाय श्री राम आरो आयध्यानि गाहाइ जाहोनजों गोसो बोनो हानाय आरो गोसो गोथैयै सरजाबहोनो हानाय। मानोना मोनैबो गोनांथार।

गोदान दिल्ली, 21 जानेवारी : म्यानमारआव बिग्रायारि हान्जा आरो जुन्ता खुंथाइनि गेजेराव दावराव-दावसिया बांनयजों लोगोसे थानाय माखासे सानफोरार म्यानमारनि रोजा रोजा सान्थियारि मावसुमाफोरा भारतीय सिमना बरानानै सा-सान्जा राइज्यो मिज'रामआव हाबफैदों। सान्थिफोर हादतआव हाबफैनायनि उनाव मिज'राम सरकार मिरु सरकारनो सांग्राथि होनांने म्यानमारनि सान्थिफोरखौ थाबै'नो न'सुंसे हादतआव दैथाइ हरफिन्नो आर'ज गाबो। मिडिया फोसावदि खालामनाय मोनसे रिपटीनि बायदिब्ला, म्यानमारनि गासै 600 सान्थिफोरा मिज'रामआव हाबफैदों आरो गावसोरनि हादतआव सोलिनाय दावराव-दावसिखौ नोजोर होनांने राइज्योनि लांग्टलाइ जिल्लायाव आश्रय लायो। जवानफोरनो आथिखालाव आसाम राइफल केम्पआव



आश्रय होनाय जादों। बे जाथाया सोनाबारि म्यानमार राइज्यो रखाइनआव मोनसे हारियारि आर्मफर्सआ अराकान सान्थिनि गेजेरजों भारत आरो बांलादेशनि सिमनाजों नांजाबनाय मोनसे सहरआव सामलायथाइनि दाबि देखांनयनि उनाव जादों, जाय सान्थियारि सरकारनि थाखाय ख'हा जानाय। म्यानमार सान्थिफोरनि बांनय जेनानि फारसे मिरुनि नोजोर बोनो नाजानायवाव बावैसो समाव

मिज'रामनि गिबि मन्थि लालडुहमाया शिल'आव सा-सान्जा परिसद जथुमानि सेसनआव मिरुआरि नख'र मन्थि अमित शाहजों लोगो हमादों आरो बिनो आथिखालनि थासारिनि सोमोन्दै खौरां होदों। सुलुनि गथाइनायजों फोरमायनाय जादोंदि, नख'र मन्थिजों जथुमा खुंनय समाव मिज'रामनि गिबि मन्थिया राइज्योनिफ्राय म्यानमार सान्थिनि जवानफोरखौ गोबाव खालामाजासे लाबोफिन्नायनि

गोनांथियाव नारसिन्थाइ होदों। गिबि मन्थि लालडुहमाया नख'र मन्थि अमित शाहजों बाथ्रा सावरायनायनि उनाव मिडियाजों बाथ्रा सावरायनानै बुंदोंदि, सुबुंफोरा आश्रयनि थाखाय म्यानमारनिफ्राय जॉनि हादतआव खारलानों आरो जों सुबुंथि महरै बिसोरनि मदत होदों। म्यानमारनि सान्थिफोर राइज्योआव आश्रय लानो फैदों आरो 450 सान्थियारि मावसुमाफोरखौ दैथाइहरफिन्नाय जाबाय।

## मरेह हिंसायारि जाथायाव रैखाथि हान्जाया बिग्रायारि हान्जानो मदत होदोंमोन ना ?

इम्पल, 21 जानेवारी : मणिपुर पुलिसआ कुकी आफादिनि बै दायफोरखौ बोखारना होदों, जेराव रैखाथि हान्जाया मरेह सहरआव बिग्रायारि हान्जाजों लोगोसे हेफाजाब होदोंमोन। मख'नो गोनांदि, मरेहआ म्यानमारनि सिमनाजों नांजाबनाय मोनसे सहर। राइज्यो सरकार दाय जाबसिन्दोंदि, न'सुंसे हादतनि गात्रि सुबुंफोरा सा-सान्जा राइज्योआव जेना सोमजिहोदों। पुलिसआ मोनसे बिबुंथियाव बुंदों, हायेनआव थानाय बिग्रायारि हान्जा आरो मरेहआव रैखाथि हान्जानि मावसुमाफोरनि वेस्टआव मेतेइ उतखारिफोरजों हेफाजाब होनायनि सोमोन्दैआव सिअटिड आरो कुकी इम्पी मणिपुरनि दाय होनाया नंगुबे नडा। मख'नो गोनांदि, 17 जानेवारीखालि मरेहआव



उतखारि गाग्लोबनायाव सानै पुलिस कामान्डआ थैयो, जेराव माखासे सुबुंआ जोखोम जायो। कुकी आफादआ दाय जाबसिन्दोंदि, गावखौनो मावसोमनाय हायेननि बिग्रायारिफोर राइज्यो पुलिसजों हेफाजाब होदोंमोन। थानाय बोसोरनि मे दाननिफ्राय हारियारि जेना सोमजिनाय मणिपुरआव 180 नि बांसिन सुबुंफोरा थैदों। मेतेइ फोलेरनि एसटि मोन्थाइनि दाबिनि हेंथायै हाजो ओन्सोलाव

आदिबासी खौसेथि मार्च खुंनयनि उनाव 3 मेखालि हिंसायारि दावराव-दावसिया सोमजिजादोंमोन। मणिपुरनि सुबुं अन्जिमायाव मेतेइ सुबुंफोरनि अन्जिमाया 53 जौखोन्दो आरो बिसोरो बांसिने इम्पल हायेनआव थायो, जेराव आदिबासिफोर एबा नागा आरो कुकीया दंफायो। बिसोरो 40 जौखोन्दो। बिसोरो गाहाइ महरै हाजो ओन्सोलाव थायो।

## टाटा मटर्सआ 1 फेब्रुवारिनिफ्राय कारनि बेसेनखौ बारायगोन

गोदान दिल्ली, 21 जानेवारी: फेगौ दान थामहिनबा 1 फेब्रुवारिनिफ्राय टाटा गारि बायनाया बेसेन गोसा जागोन। टाटा मटर्सआ फेगौ दाननिफ्राय मोब्लिबारी मटर-गारिफोर (इ.भि.) जों लोगोसे गावसोरनि गासैबो दावबायारि गारिफोरनि बेसेनखौ सानजेर 0.7 जौखोन्दो बांहोनो फोसावदों। टाटा मटर्सजों फोसावजानाय मोनसे बिबुंथिनि बायदिब्ला, बे बेसेन बांनया 1 फेब्रुवारि 2024 मायथाइनिफ्राय गोहोम गोसैगोन। कम्पानीया दिहुनथाय खरसानि बांनयखौ खावसे सुफुंनो थाखाय बे आगानखौ लागसिनो दं।



कम्पानीया पान्च, नेक्सन आरो हेरियर जों लोगोसे गोबां दावबायारि गारिफोर फानो। टाटा मटर्सआ 1 फेब्रुवारिनिफ्राय गावसोरनि गारिफोरनि बेसेनखौ

बांहोनो थांगसिनो दं। बेबादिनो, नोथाइ 31 जानेवारी, 2024 सिम गोजाम बेसेनाव गारि बायनो खाबु मोनगोन। टाटा मटर्सआ थांनय दाननि 10

डिसेम्बराव बेसेन बांहोनयनि बाथ्रा फोसावदोंमोन। कम्पानीया बुंदोंदि, 1 जानेवारीनिफ्राय बेसेनखौ 3 जौखोन्दो बारायनाय जागोन। बे बारायनाय बेसेनफोरा


1 जानेवारीनिफ्राय गोहोम गोसैगोन। दायो कम्पानीया 1 फेब्रुवारिनिफ्राय दावबायारि गारिफोरनि बेसेनखौ बांहोनो थांगसिनो दं। बावैसो, महिन्द्रा एन्ड महिन्द्रायाबो गावसोरनिखौ गोखों एसइउभि मडेल स्करपिय'-एन, थार आरो एक्सइउभि-700 नि बेसेन बांनयखौ फोसावदोंमोन। बे थिरांथाखौ दिहुनथाय खरसा बांनयनि थाखाय लानाय जादों। बे मोनथाम मुंदांखा एसइउभि मडेलफोरनि थि रोखोमफोरव बेसेन बांनया हरखाबै गोहोम गोसैगो। बेफोरनि गेजेराव, एक्सइउभि 700 (एस.इउ.भि.)आव बेसेनखौ बांसिन बांहोदों।

## इज्राइल सान्थि हान्जाया गाजानि मोनसे सुरंग'खौ दिहुन्दों

गाजा, 21 जानेवारी : इज्राइलनि सान्थिफोरा गाजापट्टिआव 1 किल'मिटर गोलाव सुरंग'खौ नागिरना दिहुन्दों। बेयो बै सुरंग' जेराव हामासआ सा 20 इज्राइलनि केदिफोरखौ दोन्दोंमोन। सान्थियारि बुंथिगिरि रियर एडमिरल हगारीया फोरमायदोंदि,

गावसोर मोनसे हलिडं ओन्सोल मेटलनि खाथि-खालायाव मोनबा गोबां फिसा फिसा केमेर, खिखरसालि, हाखर आरो सासे केदि गथ'नि सावगारिखौ मोन्दों। आथिखालाव बे सुरंग'आव रावबो केदिफोर गेलामोन। सान्थिया बे सुरंग'नि

सावगारिफोरखौ फोसावदों आरो बुंदोंदि, बे सुरंग'खौ सिलिंखार खालामनायनि सिगां बेनि डकुमेन्टेशननि थाखाय खौरंगिगिरिफोरखौ लानानै फैयो। हगारीया सुरंग'खौ लानानै जर'खा खौरां होदों। बियो फोरमायदोंदि, सुरंग'नि हावग्रा



दरआ खोला गाजा सहर खान इउनिसआव हामासनि सासे सोद्रोमानि न'आव दडमोन। हगारीया बुंबावदों, सान्थिफोरा सुरंग'आव हाबदों, जेराव बिसोरो उतखारिफोरखौ एलिमिनेट खालामदों। सुरंग'आ बेरफुग्रा मुवा-बेसादफोरजों बुंफनायमोन।

हगारीया बुंबावदों, गावसोरनयाव थानाय फोरमानफोरनि बायदिब्ला, सा 20 केदिफोरखौ आलादा आलादा समाव जेना गोनां थासारिफोरव दोननाय जादों। बे सुरंग'आव बाडइ अक्सिजेननि थाखाय हां लानायाव गोबां जेना गोनां जायो।



## सात्विक-सिरागा इन्डिया अपेन बेडमिन्टन फाइनालाव सौहैबाय

गोदान दिल्ली, 21 जानुवारी: एसियाड आरो कमानवेलथ गेम्सनि सेम्पियन सात्विकसाइराज रेन्किरेडु आरो सिराग शेट्टिआ इन्डिया अपेन बेडमिन्टन फाइनालाव सौहैबाय। गुबुन फार्से सेमिफाइनालाव एडसएस प्रनयनि जेन्नायजो सिंगेल्सआव भारतीय गेलेगिरिफोरनि सेलेन्जआ थुंगेनै फेयो। बिसोर सानैनि भारतीय जराआ हौवाफोरनि डबल्स केटेगरिनि सेमिफाइनालाव एन सिया आरो सह वुह बुइ यिकनि मालएसियान जराखौ थोंजो सेटआव 21-18, 21-14 स्करआव फेजेन्दो। भारत आरो मालएसियान बिसोर सानैनि जराआ जागायजेन्नायनिफ्रायनो बेरेखा बादायारिनिफ्राय गोखों



सेलेन्ज मोन्दोमोन। सात्विक-सिराग आरो सिया-सहनि जराआ फार्सेथिनिफ्रायबो गोखों सेलेन्ज होलायदों। गिबि सेटआव मोनने टीमआ मोनसे समाव 17-17 स्करआव समान जाहैदोंमोन। नाथाय भारतीय जराआ उननि समाव गोरेन्थिनि खाबुजों आवगायहैदों। मालएसियानि जराआ नैथ

सेटआव 4-1 स्करआव आवगायजेन्दोब्लाबो भारतनि जराआ थाबैनो 4-4 स्करआव आवगायफिन्दों। बेनि उनाव बेरेखा बादायारिआ माखासे पइन्ट आवगायफिन्नानै ब्रेकसिमआव 11-8 स्करआव आवगायहैदों। बेनि उनाव भारतीय जराआ लाश्रियै 5 पइन्ट आर्जिनानै 15-13 स्करआव सौहैदों। 2022

नि सेम्पियन सात्विक-सिरागनि जराआ मुलुगनि नम्बर 2 महैरे इन्डिया अपेननि फाइनालाव सौहैबाय। बे खेबआव बिसोर कें मिन हुएक आरो सिय सेयु जेइनि खोला करियानि वर्ल्ड सेम्पियन जराजों बादायगोन। बेनि सिगां सेमिफाइनालाव खोला करियानि जराआ हकी ताकुर आरो युग कबायाशीनि जापाननि 7 थि रेंकिनि जराखौ 21-19, 21-14 स्करआव फेजेन्दो। हौवाफोरनि सिंगेल्स केटेगरिनि सेमिफाइनालाव प्रनयखौ मुलुगनि नम्बर 1 शि युकीआ 42 मिनटआव 21-15, 21-5 स्करआव फेजेन्दो। फाइनालाव युकीनि सेलेन्जआ चीना ताइपेनि मुलुगनि नम्बर 18 थाखोनि गेलेगिरि च्युक यीयुजों जागोन।

गोदान दिल्ली, 21 जानुवारी: भारत आरो इंग्लेण्डनि गेजेराव खेब 5 मेचनि टेस्ट सिरिजआ फेगो 25 जानुवारीनिफ्राय जागायगोन। बे सिरिजनि गिबि मेचआ हाइड्राबादनि राजिव गान्धी स्टेडियमआव खुंजागोन। नाथाय बे सिरिजआव साफ्रोमबो नायगिरिनि नोजोरआ बांसिनै भिराट कहलीनि सायाव गोलैगोन। कहलीआ इंग्लेण्डनि हेंथायै बे टेस्टआव फिन जांरिमिन सोरजिबानो नाजागोन। जायनि मिजिजों गोबाडानो बिथांखौ सिरिजआव मोजां फर्मआव दिन्थिफुंगोनखौ मिजिजि लादों। कहलीआ बे सिरिजनि समाव माखासे रेकर्डफोरखौ सिफायनो नाजागोन। बिथाड इंग्लेण्डनि हेंथायै बे सिरिजआव 152 रान लायोब्लानो टेस्ट क्रिकेटआव



9000 रानखौ आबुं खालामगोन। दासिमआव बे रानखौ भारतनिफ्राय साथाम गेलेगिरि फारियै सचिन तेन्दुलकार, रहलु द्राबिडु आरो सुनिल गाभास्कारआल' लानो हादों। बेनि अनगायै कहलीआ खेब 9 ब्रै रान लायोब्लानो टेस्ट क्रिकेटआव 1000 ब्रै रान लानायनि क्लाबआव थिसनजागोन। बिथांनि सिगां सचिन तेन्दुलकार, रहलु द्राबिडु, बिरेन्द्र सेहवाग, भिभिएस लक्ष्मन आरो सुनिल

गाभास्कारआ बे क्लाबनि फारिआव हाबखांबाय। बेनि अनगायैबो कहलीआ सिरिजआव 9 रान लायोब्लानो इंग्लेण्डनि हेंथायै टेस्टआव 2000 रान आबुं खालामगोन। बिथांनि सिगां भारतनिफ्राय सचिन आरो सुनिलआ बे रेकर्डखौ थिसनखांबाय। किं कहलीनि मुडव दासिमआव गेलेनाय टेस्ट क्रिकेटआव 1991 रान जाननै दडा बिथांनो टेस्ट क्रिकेटआव 16 राननि गोनांथिबो फेगोन। मानोना 16 रानखौ गिबि टेस्ट सिरिज मेचआव

लायोब्लानो बिथाड टेस्ट मेचआव सासे गेलेगिरि महैरे 3000 रान आबुं खालामगोन। बेफोरनि अनगायै कहलीआ टेस्ट सिरिजआव खेबथाम सेन्सुरि लानो हाबावोब्लानो इंग्लेण्डनि हेंथायै बांसिन सेन्सुरि लानाय बेटसमेन जागोन। बेबादि रान लायोब्ला बिथाडा तेन्दुलकार आरो गाभास्कारखौबो सेन्सुरि लानायनि फारिआव उनाव लाखिगोन। मानोना बिसोर सानैआ इंग्लेण्डनि हेंथायै खेब 7 सेन्सुरि लाखिखांबाय।

## भारतीय आइजो हकी टीमआव सोलायनाय फैनो हासिगौ

रानिस, 21 जानुवारी: भारतीय आइजो हकी टीमआव पेरिस अलिम्पिकनि थाखाय क्वालिफाइ जानो हायाखिसै। नाथाय हकी इन्डियानि गाहाइ नेहाथारि भलानाथ सिंहआ टीमआव मोजां सोलायनाय लाबोनांगौनि गोनांथिखौ फोरमायनानै जानो गोनां अलिम्पिक सार्कलनि थाखाय थियारि जानांगौनि गोनांथिखौ फोरमायो। टर्कय अलिम्पिकआव ब्रैथि नम्बरआव जायगा आवग्रिनाय भारतीय आइजोफोरनि टीमआ एफआइएएस क्वालिफायरआव जापानजों थामथि मासिनि बादायनाय मेचआव 0-1 स्करआव जेन्नाडो।



क्वालिफायरआव टप 3 आव जायगा मोनाय फारियै जार्मानी, आमेरिका आरो जापानआ पेरिस अलिम्पिकनि थाखाय

क्वालिफाइ जाबाय। भलानाथआ टीमनि क्वालिफाइ जानो हायैखौ दुखु मोनाय फोरमायनानै गावसोरनि

लोरबांथिनि सायाव नोजोर लाखिनांगौखौ फोरमायदों। मेचनि समाव गेलेगिरिफोरनि मोजां दिन्थिफुं नायखौ

फोरमायनानै बिताडा मेचनि समाव बरादआ गावसोरजों थाफार्यैनि जाहोनखौ फोरमायो। अब्लाबो जेन्नाय आरो देरहानायखौ मेचनि बाहागो फोरमायनानै इयुनि थाखाय सांग्रंथि जानांगौखौ फोरमायो। क्वालिफाइ जायैनि जाउनाव टीमआव सोलायनाय लाबोनांगौनि फिन्नायाव बिथाड बेनि सायाव हरखाबै थांखि लानो हाया होनानै बुंदों। लोगोसे मेचनि समाव टीमनिफ्राय मोजां दिन्थिफुं नायखौ बाख्नायदों। हकी इन्डियानि आफादिगिरि दिलिप तिर्किआबो सोलिफु समाव कचनि फार्से गावसोरनि जेबो नोजोरथि लाखिथ'थैखौ फोरमायदों। लोगोसे गेलेगिरिफोरनि मोजां गेलेनायखौ फोरमायनानै बेनि सायाव कचखौ दाय होनो सानाखौ होनानै बुंदों।

## जिमनास्ट असियानाआ खेल' इन्डिया गेम्सनिफ्राय मिजिंथि लादों



गोदान दिल्ली, 21 जानुवारी: जुनियर नेसनेल इभेन्टआव जांरिमिनारि महैरे दिन्थिफुंनो हानाय तामिलनाडुनि जिमनास्ट असियाना रिना थमासआ सोलिफु समाव खुंजानाय खेल' इन्डिया इयुथ गेम्सआव गावखौनो गोखोंसिनै सुद्रायनो

आरो राइज्योनि मेडेल देरहानाय हारखौ बांहोनो खाबु मोनगोनखौ फोरमायदों। थांनय बोसोरनि डिसेम्बर दानआव भुबनेस्वरआव जालांनय भेलेन्स बिन इभेन्टआव 14 बोसोरनि तामिलनाडुनि जिमनास्ट असियानाआ गिबि जुनियर

नेसनेल इभेन्टआव सनानि मेडेल देरहादों। बिथाड खौरगिरिनि सोंथिआव खेल' इन्डिया गेम्सआव बान्था देरहायोब्ला बेनि गेजेरजोंनो अलिम्पिक गेम्सनि सिमांखौ मोनहैगोननि थाखाय नाजानाय आरो बान्थाजों ट्रेनिं होनायाव मुलाम्फा मोनगोनखौ मिजिंथिदों। भारतआ जानो गोनां पेरिस गेम्सनि थाखाय जिमनास्टिक आव मोनबो अलिम्पिक कथा मोनाखै। वर्ल्ड काप आरो एसियान सेम्पियनसिपआवल' भारतआ जिमनास्टिकआव अलिम्पिक कथा आर्जिनो हागोननि मिजिंथि लानो हासिगोन।

## 19 बोसोरनि बादायारिजों नम्बर 1 स्वियातेकआ जेन्नादों



के नबेरा, 21 जानुवारी: मुलुगनि नम्बर 1 आइजो टेनिस गेलेगिरि इगा स्वियातेकआ थामथि राउन्डनि मेचआव 50 थि नम्बरनि बादायारि लिन्डा नस्क भाजों जेन्नांनानै अस्ट्रेलियान अपेन टेनिस दुर्नामेन्टनिफ्राय जायखारनांबाय। चेक रिपब्लिकनि गेलेगिरि नस्क भाआ पलेण्डनि स्वियातेकखौ 3-6, 6-3, 6-4 स्करआव फेजेन्नांनै दुर्नामेन्टआव मेचनि दिगखौ सोलायदों। गुबुन फार्से खेबनै बारग' सेम्पियन जाखांनय भिक्तरिया आजारेन्काआ जेलेना अस्ताफेन्क'खौ 6-1, 7-5 स्करआव फेजेन्नांनै 7 थि खेब प्री क्वार्टरआव सौहैयो। बे खेबआव बिथाड इउक्रेनि क्वालिफायर डायना येस्त्रेम्स्काजों गेलेगोन। बेनि सिगां डायनाआ 27 थि रेंकिनि एमा नभार'खौ 6-2, 2-6, 6-1 स्करआव फेजेन्दों। हौवाफोरनि केटेगरिआव मुलुगनि नैथि नम्बरनि स्पेनि बादायारि कार्लस अल्कारेसआ थामथि राउन्डआव बेरेखा बादायारि सें

जुनचेनि मेचनिफ्राय रिटायर जानायनि जाउनाव ब्रैथि राउन्डआव सौहैयो। सेंआ मेच नागरनाय समाव अल्कारेसआ 6-1, 6-1, 1-0 स्करआव आवगायनानै दडमोन। अल्कारेसआ बे खेबआव साबियानि मियमीर केकोमेन'भचनि सेलेन्जआव ओंखारगोन। जेराव बिथाडा थांनय बोसोरव सेमिफाइनालाव सौहैनाय टमि पालखौ 6-4, 3-6, 2-6, 7-6(7), 6-0

स्करआव फेजेन्दोंमोन। बेनि अनगायै ह्युबार्ट हुर्कासआ युग हम्बार्टखौ 3-6, 6-1, 7-6(4), 6-3 स्करआव फेजेन्नांनै लाश्रियै नैथि खेब ब्रैथि राउन्डआव सौहैयो। खेबब्रै ग्रेन्डस्लेम देरहानाय इगाआ अस्ट्रेलियान अपेनआव सेमिफाइनालनि बेन्दोंखौनो दिनैसिमबो बारनो हायाखै। गुबुन फार्से 19 बोसोरनि नस्क भाआ गिबि खेब बे दुर्नामेन्टनि गाहाइ इआव गेलेदों। स्वियातेकआ गिबि खेबनै राउन्डआव 2020 नि अस्ट्रेलियान अपेनआव सेम्पियन जालांनय शपिया के निन आरो 2022 नि फाइनालिस्ट डेनिपल कलिन्सखौ फेजेन्दोंमोन। थामथि राउन्डआव जेन्नायजोंनो बिथांनि थांनय बोसोरनि सेप्टेम्बर दाननिफ्राय लाश्रियै

खेब 18 मेचआव देरहाबोनाय अभियानआ थुंगेयो। चेक रिपब्लिकनि गेलेगिरिनि हेंथायै गिबि सेटआव देरहादोंब्लाबो स्वियातेकआ उननि समाव गावनि फर्मखौ लाखिनायाव फेलें जायो। 2 घन्टा 20 मिनटआव नस्क भाआ टप रेंकिनि स्वियातेकनि हेंथायै देरहादों। 1979 नि उनाव मुलुगनि नम्बर 1 गेलेगिरिआ अस्ट्रेलियान अपेननि जागायजेन्नाय राउन्डआव गिबियै जेन्दों। भारतनि एन श्रीराम बालाजी आरो बिथांनि रमानियानि जरा गेलेगिरि भिक्तर भलाद कर्नियआ हौवा डबल्स केटेगरिनि नैथि राउन्डआव अल सल्भाडरनि मार्सेल' अरेभाल' आरो क्राेशियानि मेट फेभिचनि हेंथायै 3-6, 3-6 स्करआव जेन्नाडो।

## पाकिस्ताननि टीमआ अस्ट्रेलियानि गिदिर रेकर्डखौ सिफायदों

इस्लामाबाद, 21 जानुवारी: पाकिस्ताननि क्रिकेट टीमआ बाथि टी-20 मेचआव निउजिलेण्डनि टीमखौ 42 रानआव फेजेन्दों। बे मेचआव पाकिस्ताननि टीमनिफ्राय बलारफोर गोखोडे दिन्थिफुंदों। खेब 5 टी-20 मेच सिरिजआव लाश्रियै खेबब्रै जेन्नायनि उनाव पाकिस्तानआ गिबियै बे मेचखौ देरहादों। साहिन आफ्रिदीनि केप्टेनआव पाकिस्ताननि टीमआ बेबादि देरहानाय थिसन्दों। बे मेचआव पाकिस्तानआ गिबियै बेनि खालामनानै निउजिलेण्ड टीमनो देरहानायनि थाखाय 135 टार्गेट रान होदोंमोन। जायनि फिन्नायाव निउजिलेण्डनि टीमआ 92 रानआवनो अलआउट जाहैदों। अब्लाबो मेच देरहानायजोंनो पाकिस्ताननि टीमआ अस्ट्रेलियानि मोनसे गिदिर रेकर्डखौ सिफायदों। पाकिस्ताननि केप्टेन साहिन साह आफ्रिदीआ टसआव देरहानानै बेनि खालामजेनो थांखि लानाय देरहानाय फोरमान जादों। बे समाव महम्मद रिजवानआ 38 रान आरो फकर जमनआ 33 राननि इनिंस गेलेनायजों टीमनि स्करखौ 134 सिम सौहैहोदों। बे समाव गोबाडानो निउजिलेण्डनि टीमखौ देरहाबावगोननि टीमखौ देरहाबावगोननि मिजिंथि लादोंमोन। नाथाय गोखों बलारनि थाखाय निउजिलेण्डनि टीमआ टार्गेट रानसिम सौहैनायाव फेलें जानाडे। बे देरहानायजों पाकिस्ताननि टीमआ निउजिलेण्डनि



फोथारआव गेलेनाय टी-20 इन्टारनेसनेल मेचआव बाडइसिन स्करखौ डिफेन्ड खालामनो हानाय टीम जानो हादों। जेराव बे रेकर्डआ सिगाडव अस्ट्रेलियानि मुडव दडमोन। 2021 आव अस्ट्रेलियानि हान्जाया निउजिलेण्डनि फोथारआव 156 राननि स्करखौ डिफेन्ड खालामनो हादोंमोन। पाकिस्ताननि थाखाय बर्लिन फोथारआव इष्टिकार आहमेदआ 4 अभारआव 24 रान होनानै 3 उइकेट लादों। बिथांनि अनगायै उसामा मीरआ 4 अभारआव 21 रान होनानै 1 उइकेट लादों। बे मेचआव इष्टिकारआ प्लेयर अफ दा मेच बान्थानि थाखायबो सायख 'जादों।

फोथारआव गेलेनाय टी-20 इन्टारनेसनेल मेचआव बाडइसिन स्करखौ डिफेन्ड खालामनो हानाय टीम जानो हादों। जेराव बे रेकर्डआ सिगाडव अस्ट्रेलियानि मुडव दडमोन। 2021 आव अस्ट्रेलियानि हान्जाया निउजिलेण्डनि फोथारआव 156 राननि स्करखौ डिफेन्ड खालामनो हादोंमोन। पाकिस्ताननि थाखाय बर्लिन फोथारआव इष्टिकार आहमेदआ 4 अभारआव 24 रान होनानै 3 उइकेट लादों। बिथांनि अनगायै उसामा मीरआ 4 अभारआव 21 रान होनानै 1 उइकेट लादों। बे मेचआव इष्टिकारआ प्लेयर अफ दा मेच बान्थानि थाखायबो सायख 'जादों।

## सानिया आरो शएबनि फाथैलाइ बिसिनायनि सायाव बिनानावआ रोखा खालामदों

गोदान दिल्ली, 21 जानुवारी: पाकिस्तान क्रिकेट टीमनि बारा' के प्तेन शएब मालिकआ पाकिस्ताननि फावखुंफ्रि सना जाभेदजों जुलि जाफिन्नायनि लामायाव दड। बेनि सोमोन्दै बिथाडा गावनि ससेल मिडियाआव सावगारि शेयार खालामनानै फोरमायदों। शएबनि थाखाय बे जुलिआ थामथि जुलि जागोन। सना जाभेदआबो सिगां समावनो फाथैलाइ बिसिखांबाय आरो

बिथाडा पाकिस्ताननि गोबां टिभि श्वफोरनि अनगायै मिउजिक भिडिअफोरारवबो ओंखारखांबाय। नाथाय शएबनि फिन सनाजों जुलि जाफिन्नायनि थांखिआ फिन खौरांफोरार जायगा मोनफिन्दों। मानोना गोबाडानो भारतीय स्टार टेनिस गेलेगिरि सानिया मिर्जाजों फाथैलाइ बिसियालासे जुलि लानो नागिरनायाव सोंथि खालामदों। नाथाय बिसोर सानैनि फाथैलाइ बिसिनायनि



सायाव सानियानि बिनानाव आनम मिर्जाआ रोखा खालामदों। बिथांनि बादिब्ला, सानिया मिर्जाआ जेब्लाबो

शएब मालिकनि थांनय माखासे दानफोरनि सिगाडववनो फाथैलाइ बिसिलायनायखौ गावनिफ्राय फोरमायनादों। सानियानि बिनानावआ फोरमायनाय बादिब्ला, बिब'आ शएबनि इयुन गोजेननि थाखाय गाहाम हामलायथि होदों। सानिया मिर्जा आरो शएब मालिकआ 2010 आव जुलि जादोंमोन। आसारखान्थि बादिबै बिसोरनि जुलिआ हाइड्राबादआव जालादोंमोन। नाथाय सानै मुदंखा

गेलेगिरिफोरनि जराआ फेन्सफोरनि गोसोखौ बै समाव गोजोन होदोंब्लाबो समजों लोगोसे फाथैलाइ बिसिनायनि खौरांफोरार दुखु लाबोफिन्दों। जुलिनि 8 बोसोर उनाव बिसोर सानैआ सासे फिसाज्ला मोन्दोंमोन। जायनि मुंखौ इजहान मिर्जा मालिक मुं होदों। सानियाआ टेनिसनिफ्राय सिगां समावनो आजिर लाबाय। गुबुन फार्से शएब मालिकआ टेस्ट आरो वन्डेनिफ्राय रिटायरमेन्ट लाखांबाय। शएबआ पाकिस्ताननि

थाखाय मोनथामबो फर्मेटआव क्रिकेट गेलेयो। 1999 आव बिथाडा पाकिस्तानि टीमनि थाखाय डेब्यु खालामनायनि उनाव खेब 287 वन्डे मेचफोरार 34.56 जौखोन्दोजों 7534 रान लादों। शएबआ खेब 35 टेस्ट मेचफोरार 35.15 जौखोन्दोजों 1898 रान लादों। बेनि अनगायै टी-20 इन्टारनेसनेलआव गेलेनाय खेब 128 मेचफोरार 31.22 जौखोन्दोजों 2435 रान लादों।